


Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAGL 1.7.393/a





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.393/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.393/a



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CJMAI. 1.7.393/a

Book 3 105 1.7.323 105 1.7.323 C

Q. D. O. M. B. V.
FAVENTE
JVVENTVTIS PRINCIPE
RECTORE MAGNIFICENTISSIMO
DOMINO
JOHANNE VVILHELMO
SAXONIÆ DVCE
MEMORABILIA
HISTORIÆ
LVNEBVRGICÆ

EXPLICABVNT
CASPAR SAGITTARIVS D.
HISTOR. SAXON. P.P.

ET
HEINRICVS GAVSE
LVNEBVRGENSES.

—
TYPIS NISIANIS
ANNO MDCC LXXXVIII.

INCLVTÆ CIVITATIS
LVNEBURGENSIS
PATRIBVS PATRIÆ
CONSCRIPTIS
DOMINIS
CONSVLIBVS
SYNDICIS
SENATORIBVS
VIRIS MAGNIFICA AVCTORITATE
SPLENDIDA GENERIS NOBILITATE
SVMMO RERV VSV
CONSPICVIS
MÆCENATIBVS AC PATRONIS
SVIS MAXIMIS

humilime offert

RESPONDENS.



AD ERVDITISSIMVM
DN. RESPONDENTEM.




*Acuit haftenus, nescio an
deserta prope, dulcissimæ
patriæ nostræ historia. Si
enim exceperis brevem il-
lum, eundemque non tam histori-
cum, quam poeticum abavi mei Lu-
cæ Lossii libellum, cujus vestigiis
Thomas Marverus gener ejus visus
est insistere, non puto quemquam
in rebus Luneburgensium descri-
bendis singulariter fuisse occupa-
tum: aut, si id a quoquam factum,
in-*

in dias tamen luminis auras labores
non pervenisse existimo. Atque id me
movit jam pridem, hanc provinciam
suscipere, eoque & meam in his ta-
libus honestam curiositatem satia-
re, & Patriæ infinitis modis de me
meritæ qualemcunque vicem red-
dere. Sic nata est ante hoc sexen-
nium Antiqua Luneburgi histo-
ria: quam, quod ex Electorali Dres-
densi, aliisque publicis, sed & priva-
tis Mæcenatum quorundam biblio-
thecis mecum communicarentur
scripta non vulgaria, ad præsens
usque sæculum continuavi. Huic
opusculo quid sit futurum, nondum
novi, neque etiam sollicitius censui
rimari, ne ista, quæ nondum limam
ac-

103
104
accepere suam, ac multimoda ac-
cessione non minus, quam emenda-
tione habent opus, festinanter ni-
mium in publicum protrudere volu-
isse viderer. At enim, ut explorem
tamen, quodnam sit Patriæ Patrum,
ac bonorum, qui hæc intelligunt, ci-
vium de conatibus meis iudicium,
malui ex commentariis illis præci-
pua quædam seligere, selecta certis
incisis concludere, ac ea, sicubi opus,
annotationibus illustrare. Ex his
nata sunt, quæ cum elogio Memora-
bilium Historiæ Luneburgicæ nunc
edo, ac, pro more in Academiis con-
sueti, doctorum censuræ expono. In
hac opella, quod Tu, mi GAVSI, Re-
spondentis vices volueris suscipere,
id

id est, quod me affecerit non pa-
rum. Quandoquidem enim per
ipsum quod in hac Academia meis-
que ædibus exegisti biennium, &
quod excurrit, compositis tuis mori-
bus, ardore discendi, ac rariori in-
dustria, adeo mihi Te probasti, ut
vix a Te fieri potuisset magis; magnæ
mihi cedit voluptati, quod, cum pu-
blicum doctrinæ specimen statueris
exhibere, in id incideris, quod non
potest non Te commendare bonis
omnibus, ac inprimis illis, a quibus
tam exquisitè mihi fuisti commen-
datus. Vt enim id, quod res est, fa-
tear, nemo hactenus meorum ad-
ventavit ciuium, tot ac tantis stipa-
tus, &, ut Plautus loquitur, viatica-
tus

III
tus commendatitiis. Sed & ipse tuis
te studiis ac moribus ita mihi com-
mendasti, ut nisi perhonorificum
tibi darem testimonium, non face-
rem utique & civis, & hospitis, &
præceptoris boni officium. Quod
si vero ita (uti spero atque opto) per-
rexeris, nullus dubito, quin porro
dulcissimos Parentes vehementer
exhilaraveris, ac Patriæ quoque
egregiam aliquando operam nava-
veris; sed & mihi (si vixero) oc-
casionem dederis locupletissime
Tibi gratulandi.
Vale.





§. I.

LVNEBV RG I origines non satis sunt certæ ac indubitatæ, castrum tamen illud, cui postea oppidum accessit, antiquissimum esse, non immerito asserimus.

Omnes illæ urbes ac castra Germanica, de quorum ortu nihil certi constat, longe antiqua esse credimus. Enimvero probabile est admodum, iis condita fuisse temporibus, quando majores nostri multum de gerendis, parum de scribendis rebus forent solliciti. Quod si dixeris, periisse, vel alicubi latere ejusmodi scripturas; nescio qui tot anxie clarissimorum virorum a renatis humanioribus literis curæ omnino in fumos ac ventos abierint. Si cui tamen licuerit esse tam felici, ut hæc talia investiget, eidem maxime, sed & patriæ modis omnibus gratulabimur.

II. Si quid autem dandum conjecturis, burgum illud in monte calcifero primum a Saxonibus, vel etiam Francis Saxonum domitoribus ad comprimendos Linonum (Slavi sive Wendi erant trans Albim colentes) hostiles excursus conditum opinamur.

Favet huic conjecturæ Luneburgi (sive Lineburgi, vel Lynenburgi; uti quidam scribunt) etymon, quod a Linonibus malim repetere, quam ab anili fabula, Lunam pro Dea heic cultam. Omitto reliquas origines alibi a nobis discussas.

III. Paruit itaque burgum Ducibus Saxonie Wittkindea gente satis: ac nominatim Ludolpho, Ottoni, & Henrico Aucupi.

Otto hic, Henrici Aucupis pater, Ludolphus avus fuit.

A

Et

Et ne dubites, Ottonem in manibus habuisse castrum Luneburgicum, in quibusdam Annalibus vocatur *Dux de Luneburg*: a sede nimirum potiori.

IV. Quia Henricus Auceps tot alias condidit atque auxit urbes Saxonicas, Luneburgum inter illas fuisse, vero nobis videtur simile.

Legendi hic sunt Witichindus Corbejenfis, Göbelinus Bilfeldiensis, Auctor Annalium Mindensium, ac Albertus Krantzius: quorum testimonia in *Bardewico*, *Antiqua Luneburgensi Historia*, ac alibi jam laudavimus.

V. Extremis fere temporibus Ottonis Magni, Luneburgum accepit Hermannus Billungus Comes, novus Dux Saxoniae, qui possessionem castri ac urbis ad filium & nepotes Bennonem, Bernhardum, Ordulfum ac Magnum transmisit.

965 Hermannus ille vicaria primum potestate Saxoniam rexit, post ab Ottone Imp. an. 1000. creatus fuit Dux Saxoniae hereditarius. *Comitem* appellavimus, non *ruricolae* filium, aut novum ex infima nobilitate hominem; quas gerras explofere Meibomiana *Vindicia*, in æterno Opere Henrici Meibomii Junioris nuper recusat.

973 VI. Hermannus, sive struxit, sive auxit novum monasterium in monte, Michaeli Archangelo dicatum, in quo & sepultus est anno 1000.

Structuram monasterii Hermannus adscribit Chronicon antiquum Saxonicum, Tritthemius in *Chronico Hirsaugensi*, Krantzius in *Saxonia & Metropoli*, Franciscus Irenicus in *Exegesi Germaniae*, Sebastianus Munsterus in *Cosmographia*, David Chytræus in *Saxonia*, Henricus Meibomius Senior in *Chronico Monasterii Bergensis*, Lucas Losius in *Luneburga*, Thomas Maurer in *Explicatione Insignium Luneburgae*, Matthæus Dresserus de *Germaniae Urbibus*, Petrus Bertius in *Commentariis Rerum Germanicarum*. Verum ad Ottonem, Henrici Aucupis patrem, refert Auctor anonymus de *fundatione quarundam Germaniae Ecclesiarum temporibus Karoli Magni*: quod & nos probamus:

3.
bamus: sic tamen ut prædiis aliisque bonis ab Hermanno autem putemus. De morte Hermanni agit Witichindus; de sepultura Ditmarus Præful Mersburgensis: ex quo simul apparet Svibertum Episcopum Verdenssem excommunicationis Hermannianæ obtentu usum, a paterna sepultura aliquamdiu arcuisse Bennonem filium: quem is Bernhardum vocat.

VII. In eodem monasterio sepultus est Benno, Hermanni filius, quem Albertus Stadenfis, & Auctor vitæ S. Meinweri decessisse tradunt anno CIOX.

1010

Posterioris verba afferam: Anno x. Indictione viii. dehinc proxima Idus Februarii Bernardus pius Dux Saxonicus, filius Hermanni Ducis obiit.

IX. Bernhardo Hermanni ex Bennone nepoti adscribitur tabulæ aureæ vel hodie superstitis donatio vere magnifica.

Sic enim canit noster Losius de hac tabula:

Inclutus hanc sacra Bernhardus contulit adi

Tertius a Biling Hermanno Principe claro.

Ac iterum:

Tertius hinc præstans Bernhardus munit & auget

Prædia dans, redditus, sylvas, aurique tabellam.

Neque tamen hæc res est extra controversiam, alibi a nobis expositam: ac dignus est, qui legatur Meibomius Senior in *Notis ad Bardewicum*.

IX. Anno CIOXIII. ingens terræ hiatus Luneburgi 1013 contigit, a Ditmaro descriptus.

Lib. IV. Chronici: *In civitate, inquit, Bernardi Ducis Luinberg dicta, eodem anno aeris miri fit mutatio atque motio, & immensus terræ hiatus. Hoc stupet accola, & sæpius, nunquam vidisse testatur. Præcipuam hujus hiatus causam in salinis Luneburgicis quarendam, existimo: ac memini me adolescente geminum casum fuisse observatum.*

X. Anno CIOXXXII. Godescalcus V^{us} Slavorum 1032 reguli filius, in Luneburgensi monasterio liberalibus studiis eruditus, a morte Patris ad vomitum gentilitium fuit reversus.

A 2

Vi-

Videantur Adamus Bremenſis lib. II. cap. XLVII. Helmoldus
lib. I. cap. XIX Albertus Stadenſis ad laud. annum Krantzius Saxon.
I. IV. c. XXXVIII. Wandalia lib. II. cap. XLVI. Metropol. lib. IV. c. XI.

XI. An Bernhardus, ejuſque gnatus Ordulfus, quo-
1062 rum alter anno CIO LXII. alter anno CIO LXXVIII. mor-
1078 tui, Luneburgi ſint ſepulti, non habeo affirmare. Ne-
que tamen id affirmanti repugnaverim.

Circa hac tempora (anno nempe CIO CLXXII.) Lüne, il-
luſtre coenobium monialium fuiſſe conditum, Henricus Meibo-
mius Senior in Appendice *Hiſtorie Bardewici* obſervavit.

XII. Ordulfo ſucceſſit Magnus Dux, cui Lunebur-
gum eripuit Henricus IV. ab Hermanno, Magni patruo,
poſt gravem obſidionem receptum.

Præcipuam horum motuum hiſtoriam debemus Brunoni
monacho, belli Saxonici hac tempeſtate ferventis ſcriptori, a Fre-
hero edito. Conferri etiam meretur Lambertus Schaſnabur-
1073 genſis ad annum CIO LXXIII. De colloquio Henrici Imp. cum
Svenone Daniæ Rege, ſive Bardewici, ſive Luneburgi habito in
Hiſtoria Bardewicenſi egimus.

XIII. Ab exceſſu Magni maſcula prole orbi, Luderus
ſive Lutherus Dux Saxoniz, ac Dominus Luneburgi fa-
ctus, ex quo Rex Germaniz renunciatus, una cum Du-
catu Saxoniz patriam noſtram reſignavit genero ſuo Hen-
rico Superbo, ex Welfhica ſtirpe Bojoaria Duci.

1106 Magnus Dux anno CIO CVI. mortuus, filiarum unam Wulf-
hildam nomine, deſpondit Henrico Nigro Bojoaria Duci, Pa-
tri Henrici Superbi. Luderus Lotharii nomine celebrior re-
1125 gnum Germaniz indeptus eſt anno CIO CXXV. Ducatum autem
1136 Saxoniz genero reddidit anno CIO CXXXVI.

XIV. Poſt mortem ſoceri, Henrico ſceptrum Germa-
niz affectum a Conrado III. Ducatus abjudicatur Saxo-
nicus, ſub anno Alberto Vrſo: qui Luneburgum anno
1138 CIO CXXXVII. occupans mox amiſit. Sed Henricus
1139 brevi poſſeſſione gavius, anno CIO CXXXIX. non ſine ſu-
ſpicionem accepti veneni, obiit.

Sin-

Singula harum historiarum momenta in *Bardewicensibus* expendimus, ac nonnulla quoque in *Originibus* ac *Incrementis Luneburgi*.

XV. Plena est historia Henrici Leonis, Henrico Superbo geniti, rerum Luneburgensium: sed quas multis repetere religioni mihi duco, ne quod in Antiqua Historia Luneburgensi actum, denuo videar agere.

Typis eadem est exscripta ante hoc sexennium, idque impensis Respondentis, M. Nicolai Eggers, tum egregii humaniorum literarum ac SS. Theol. Studiosi, nunc Ecclesiæ Luneburgensis dignissimi, quem honoris ac amoris causa nominatio. Afferam tamen summa capita huc pertinentia. Anno 1144 c10cxliv. Alberonem Bremensem Archiepiscopum, Stadensem Comitatum sibi vindicantem cepit, & in arce Luneburgensi detinuit. Albertus Stadenis, Krantzius *Metrop. l. VI. c. XVIII.* Ibidem Vicelinum Altenburgensi Episcopatu investivit. Helmoldus *lib. l. c. LXX.* Hermanus de Lerbeke in *Chronico Comitum Schaumburgensium*, & Auctor *Chronicae Slavicae cap. XXIII.* Postea in Bojoariam profectus, Clementiam uxorem reliquit Luneburgi: a qua inibi auxilia contra vicinos Slavos petiit Nibelotus Obotritorum Princeps. Helmoldus & Lerbecius *locis laudatis.* Ne quid detrimenti paterentur Luneburgenses Salina, Oldesloicas obturari fecit anno 1151. Helmoldus *lib. I. c. LXXVI.* Lerbecius, Anonymus *Chronicae Slavicae scriptor,* Henricus Aquilonipolitanus *de primordiis Lubicanae urbis lib. I.* Krantzius *Wandal. l. IV. c. XV. Metrop. l. VI. c. XLV.* Anno 1172 c10clxxii. ex Palæstina redux, Luneburgi, petentibus Canonice Lubecensibus permisit, ut Henricum Abbatem Brunswicensis eligerent Episcopum. Circa annum 1179 c10clxxix. Natalitia Christi celebrans Luneburgi, Vricum Episcopum Halberstadensem ante annos aliquot captum libertati restituit. Arnoldus Lubecensis *lib. III. c. XXIX.* Anno 1181 c10clxxxii. denuo Natalem Christi agens Luneburgi, Bernhardum Comitem Raceburgensem proditoris accusatum cum Volrado filio in vincula conjecit. Arnoldus *d. l. c. XXXIII.* Henricus Aquilonipolita *lib. I. c. XV.* Anno proximo cum Fridericus Imp. ad 1182 cx-

- expugnandam Lubecam in Saxoniam moveret, Henricus Dux Luneburgum illustribus praesidiis firmat: Ludovicum tamen Thuringiae Landgravium, haecenus Luneburgi detentum Sigeburgam mittit. Arnoldus *cap. XXXIV. Krantzius Saxon. lib. VI. c. XLII.* Dedita Lubeca, Fridericus Imp. Luneburgum obsedit: at deprecante conjuge Henrici, quae pro dotalitio habebat, a vi abstinuit. Arnoldus *d. l. Chronicon Bigaugienfe.* Eo in his angustiis deductus Leo, per internuncios animum Imp. lenire studuit. Arnoldus. Mox in Angliam exulatum secedens ereptis terris quamplurimis, Brunswicum ac Luneburgum ex hoc naufragio servavit. Arnoldus *cap. XXXVI.* Variloquus
- 1189 Antiquitatum Erphordensium MS. Anno *cio clxxxix.* a diruta Bardewico multum crevit Luneburgum. Auctor Chronici Slavici, Munsterus *Cosmograph. lib. III.* Georgius Fabricius in *Historia Electorum Saxoniae.* Angelius Werdenhagen *Re-rumpubl. Hanseaticarum parte III. cap. II.* Taceo recentiores.
- 1195 Paucis moneo, Henricum Leonem anno *cio cxcv.* Brunswici mortuum fuisse & sepultum.

XVI. Ex filiis Henrici Leonis, Wilhelmus Luneburgum accepit: qui ob. id Hermannio Lerbecio audit Dux

1212 Luneburgensis. Ibidem anno *cio ccxii.* sepultum tradit Cl. Winckelmannus.

In *Arboreto. Genealogico Ducum Brunswico - Luneburgensium*: cujus novam editionem avide expectamus.

XVII. Otto, Wilhelmo natus, prius quam Brunswico potiretur, *de Luneburg, & Dominus de Luneburg*, post *Dux de Brunswick* nominabatur. Atque hic est, qui anno *cio cccxxv.* oppidum Luneburgense ex proprio Imperatorium feudum fecit: quod a Friderico II. receptum, ac Brunswico junctum, cum novo Ducis Brunswico-Luneburgensis nomine, ad seros transmisit posteros.

1235

Haec omnia fuisse, & ceu spero, curate sunt exposita in *Origimibus Ducum Brunswico - Luneburgensium.* Ex ipso *Erectionis Ducatus diplomate* pauca excerpam: *Insuper proprium castrum suum Luneborg, quod idiomate Teutonico vocatur Eygenl*
cum

7.
cum multis aliis castris, terris & hominibus eidem castro pertinentibus in nostrum proprietatem & dominium specialiter assignavit, ut de eo quicquid nobis placeret, tanquam de nostro proprio faceremus. Nos autem, qui tenemur modis omnibus Imperium augmentare, prædictum castrum Luneborg, cum omnibus castris pertinentiis & hominibus suis, quemadmodum ex ejusdem Ottonis assignatione in proprietatem accepimus, in præsentia Principum in Imperium transtulimus & concessimus, ut per Imperium infendari debeat. - Quapropter consilio, assensu & assistentia Principum civitatem Brunswic & castrum Luneborg cum omnibus castris, hominibus & pertinentiis suis univimus, & creavimus inde Ducatum, & Imperiali auctoritate dictum consanguineum nostrum Ottonem Ducem & Principem facientes, Ducatum ipsum in feudum Imperii ei concessimus ad heredes suos filios & filias devolvendum.

XVIII. Otto ille novis privilegiis & legibus ornavit Luneburgum, ac, donec moreretur anno CIOCCCLII. sin. 1252 gularum hujus urbis curam habuit.

Id quod clarius pateret, si (quod Annales patrii laudant) diploma Luneburgensibus gratiosum, multorum Comitum, nobilium ac ministerialium testimoniis firmatum anno CIOCCXXXVIIII. datum una cum aliis ejus generis superaret. Vetus Chronicon Saxonicum rhythmicum Luneburgi humatum tradit Ducem.

XIX. Ex filiis Ottonis Iohannes, partitione cum Alberto fratre facta, Luneburgensibus potitus, Salinas Luneburgenses mirifice excoluit, præsertim postquam nova reperiretur vena, quæ Novæ Sulciæ nomen dedit.

In hoc argumento occupata est dissertatio nostra de Originibus ac Incrementis Sulciæ Luneburgensis anno - LXXV. typis exscripta. Adde sequentia ex Chronico MS. Iacobi Schomakeri: De Borne upder nyen Gûlten van anno 1269. by Hartogen Johannis Tyden erfunden und angefangen. 1269

XX. Novam illam Sulciam a Iohanne Duce Prælatis potissimum, ab his Senatus Luneburgensis acceperunt.

Li.

Libellus quidam MS. de Salinis Luneburgensibus: *Novam Salinam fodit & invenit Iohannes Dux de Brunswick, eamque Prælati & Capitularibus ceterisque resignavit, pro qua dabunt ei, qui reditus habent in Salina, in antiqua Salina de quinquaginta domibus in ipsa constitutis centum & quinquaginta choros salis in quolibet flumine.* - - *Idem pro gratia & favore & pro telonio in nova salina, quod ibi de sale accipere consuevit, penitus removendo Prælati ceterique habentes bona in salinis eidem Duci mille octingentas marcas examinati argenti exsolverunt. Actum anno Domini MCCLXXIII, in die Viti.* Chronicon Schomakeri breviter: Anno 1273. *hefft Hartog Iohannes de nye Gulte verkofft.* Anno demum CCCCCLXXXV. Senatus novam Sulciam Prælati acceptam veteri conjunxit.

XXI. Idem novos magistratus Sulciæ ac negociis salinaribus præfecit, ac, ut Patricii in his occupati a reliquis civibus quodammodo distinguerentur, ludos singulares nonnisi a Patriciis celebrandos excogitavit, a raptatione Cupæ nomen habentes: qui demum Patrum nobiliorum memoria defierunt.

Ex MS. Chronici latini fragmentis aliqua adscribam: *Sub hoc Principe statutum, ut uni ex Senatoribus, qui tantum Magister Salinæ quoque sit, vulgo Gultmeister / salinæ cura cum singulari juramento singulis annis committatur, cum titulo Magistri putei (Soetmeister) ut sit quasi iudex & magistratus Salinæ, & interea ab omnibus aliis officiis civilibus immunis & liber.* - - *Præterea quoque ordinatum, ut singulis annis duo ex Magistris Salinæ eligantur, cum titulo Barimagistrorum (Baarmeisters) quorum officium esse debet, ut publicæ utilitati provideant, & præscribant, quo pretio sal vendi debeat; & quo tempore exportari, & in quæ loca. Et tandem sub hoc Duce quoque ordinatum, ut alius adhuc deputaretur officarius, cum nomine Buthimagistri, cujus officium esse deberet, ut singulis annis prospiceret atque curaret, ne lites ratione salinarum bonorum orirentur, sed æqua distributione inter Magistros Salinæ eas lites præcaveret.*

De ludo illo nobili (*dat Kopeföhren* dicebatur domi) plura commemorat dicta nostra dissertatio, alibi forte retexenda.

XXII.

XXII. Antiqua quæ vocatur Sulcia in quatuor & quin-
quaginta domunculas distincta est, quarum singulæ qua-
tuor, & quod mirantur exteri, plumbeas habent sartagi-
nes, in quibus interdum noctuque sal coquitur.

In Electorali Dresdensi Bibliotheca MS. asservatur liber, an-
tiquitates urbis Luneburgensis, ac in primis salinarias illustrans,
ex quo nonnulla afferam, sed ex germanico latine versa: In
Sulcia sunt domus quinquaginta quatuor, quarum unaquæque ab
antiquo proprium habet nomen, in singulis domibus quatuor plum-
beæ sunt sartagines, in quibus interdum noctuque sal coquitur. Ex
qualibet domo procedunt xv. chori, & quilibet chorus dividitur in
tria plaustra (fuder) & quodlibet plaustrum in quatuor (Liceat
ita exprimere domesticam vocem Rump) rumpones. Quodcumque sal
non venditur interdum, in certis casis, quas habent Patricii, asser-
vatur, ac complectuntur hæc casæ octodecim, viginti, triginta, se-
xaginta, octoginta, nonaginta, imo etiam centum choros. (Wispel)
In unaquæque domo coquuntur septem vel octo tine, pro bonitate
aque salsuginosæ, vel lignorum etiam, aut cura operarum. Sin-
gule tine sex modios continent. Aquæ salsuginosæ, quæ ex profun-
dis puteis hauritur, certi deputati sunt dies, quibus per quingua-
ginta quatuor domus distribuitur, & in dies xxvi. sartagini addi-
citur fusio (eine Bate) & hi xxvi. dies dicuntur flumen. (eine Flut)
Subjicio nomina domuncularum sive tuguriorum in antiqua Sul-
cia: I. Gesseling. II. Elverding. III. Behhausen. IV. Uding.
V. Eming. VI. Ebbing. VII. Ludolffing. IIX. Egeding. IX.
& X. Eluring. XI. Everning. XII. Deying. XIII. Ebhing.
XIV. Geming. XV. Münzing. XVI. Eding. XVII. Denck-
wering. XVIII. Eoderhing. XIX. Glüsing. XX. Kemping.
XXI. Greving. XXII. Boving. XXIII. Volckwerding.
XXIV. Erdering. XXV. Gerarding. XXVI. Lotering. XXVII.
Beling. XXVIII. Brening. XXIX. Stardt. XXX. Hingst.
XXXI. Hannover. XXXII. Dörnzing. XXXIII. Hüning.
XXXIV. Dörnzing Infra. XXXV. Hütting. XXXVI. Ulling.
XXXVII. Hoying. XXXVIII. Sevening. XXXIX. Volck-
werding Infra. XL. Metting. XLI. Egberding. XLII. Bar-
ning. XLIII. Memming. XLIV. Eying. XLV. Hennering.
XLVI.

16.

XLVI. Wölderling. XLVII. Berding supra. XLVIII. Berding infra. XLIX. Berding perversum. L. Brockhusen. LI. Büging. LII. Benning. LIII. Dittmering. LIV. Codesing. Quia autem pleraque nomina in ing deficiunt, id pro singulari nota antiquitatis habeo: ac parum abest, quin credam, reliqua recentius avum sapere: quando scilicet nova veteri Sulcia est conjuncta.

XXIII. Post Ducem Iohannem ejusque inclytos posteros, Patricii illi in rebus salinaribus non minus quam in regenda urbe occupati, optime de patria sunt meriti: ut adeo tam familiarum extinctarum, quam etiamnum maxime in ipsa patria florentium memoria bonis omnibus debeat esse commendabilis.

Ex priori classe nobis sunt noti, Alveslebi, Apenburgii, Apensei, Badendorpii, Bardewicii, Benii, Beerii, Bergii, Boltzenii, Brandesii, Bredecovii, Bruggii (van der Brügge) Carstentzenii, Coppentii, Coppingii, Crasii, Dalenburgii, Derstenii, Dickii, Duckelii, Eimbecii, Elbecii, Eltenii, Emsenii, Endewatlii, Eppensii, Flewickii, Garlingii, Garlopii, Gisenii, Glodenii, Godenstedii, Grabovii, Graurockii, Grönhagenii, Groningii, Hagenii, Hakeri, Hakii, Haslekenii, Heuckii, Hoderi, Hogetredii, Hoickii, Hoimanni, Hoieri, Hollii, Hundii, Iungii, Luttrebrockii, Karkosii, Kniggii, Krogeri, Krückii, Krultzenii, Lampii, Langii, Lentzenii, Lohii, Moydenii, Münteri, Mutzelinii, van der Mösen/Neubaueri, Obeleggeri, Oldendorpii, Oldesenii, Osenbruggii, Papenii, Poldenii, Probstii, Radebrockii, Radekenii, Ravenii, Reinstorpii, Reinstedii, Resii, Ribii, Rockschwalii, Rodewoldii, Rubovii, Rüscheri, Salderi, Salingii, Sandii, Scharnbecii, Schelii, Schelpeperi, Schneideri, Schneverdingii, Schomakeri, Semmelbecceri, Senckenstakii, Senckenstedii, Sendenii, Sommeri, Sootmeisteri, Springintgudii, Staketonii, Stüveri, van der Sülten/Tilitzii, Vltzenii, Viskulii, Warendorpii, Wencksternii, Widenii, Winsenii, Wintzenii, Wittigii, Wolteri, Wulschii.

Ex altera classe habemus laudare Borcholtios, Brömsios, Brunswigos, Dasselios, Dittmersios, Döringios, Elveros, Laf-fer-

ferdios, Mölneros, Müteros, Stoteroggios, Tobingios, Witzendorpijs, Zarlstedios.

XXIV. Iohanne anno CIÖCCLXXVI. in aula 1276
Dalenburgica placide obiit, ac Luneburgi in monasterio
S. Michaelis sepultus est.

MS. Chronicon: Tandem cum ambo (Albertus & Iohannes) in sua quisque ditione rem satis pro arbitrio succedentem leti viderent, prior Iohannes ad annum CIÖCCLXXVI. circa festum S. Lucia, quo singulis annis solitus erat convivio solenni Magistri Putei pro tempore existentis Luneburgi interesse, Dalenburgi, ubi aulam tenuit, in fata concessit, & a militibus & ministerialibus, a quibus mirum in modum adamatus fuerat, corpus ejus exanimatum humeris portatum est Luneburgum usque ad sepulcrum in templum montis S. Michaelis.

XXV. Iohannis filius ac successor, Otto Strenuus, Senatui populoque Luneburgensi impense favit, ac multis eis indulxit privilegia. Vita excessit anno CIÖCCCXXX. 1330
ac Luneburgi sepultus est.

Vfus fuit sequenti titulo: Otto Dux de Brunswick, ac Dominus in Luneburg. Epitaphium ei positum ferunt his verbis conceptum: DOMINVS OTTO DVX BRVNSWICI ET LVNEBURGI PRINCEPS SERENVVS ET PACIFICVS QVI OBIIT MCCCXXX. V. NON. APRILIS.

XXVI. Annus CIÖCCCXXXIII. Luneburgo valde 1333
fuit funestus, plerisque domibus in Sulcia exustis die S. Kiliani.

De hoc incendio sequentes facti sunt versiculi:

Anno milleno, ter C, tribus I, terque deno
Igne Salina ruit, Chilianus quando lucefcit.

Itemque isti Germanici:

De men schref dufent drehundert dre und dertig Jahr/
Is de Cüste afgebrennet vorwahr/
Up Sanct Kiliani Dag gerad/
Welcks grote Noie gemactet hat.

XXVII. Postquam Otto Dux, Ottonis Strenui filius, nulla relicta prole mascula, vita defunctus, inque monasterio castrensi Luneburgico sepultus est, solus in Ducatu Luneburgensi regnavit Wilhelmus Ottonis frater. Et hic quidem cum itidem careret filiis, heredem primo scripsit Albertum Saxonie Ducem, ex Agnete filia nepotem. Et licet postea alterum generum Ludovicum, & ab illius obitu Magnum fratrem ejus, Duces Brunswicenses, heredes designaret, Albertus tamen, Caroli IV. auctoritate, ac Luneburgensium favoribus adjutus, Luneburgensem Ducatum ac urbem accepit, Magni milite ex
1371 jam recepta Luneburgo anno CIOCCCLXXI. rejecto.

Horum motuum historiam reservamus Dissertationi singulari, *de Piflore Luneburgensi fortiter pro patria pugnante*. Enimvero aut valde fallor, aut aliqui perperam de motibus illis judicantes, non satis sunt edocti horum temporum historiam.

XXVIII. Tentata quidem aliquoties fuit inter Magnum & Albertum compositio: sed cum uterque suo juri nollet cedere, in cassum abierunt omnia: & quia Magnus Pirna (quo litigantes evocaverat Caesar) non comparebat, Ducatus Luneburgicus denuo Alberto dicatus, ac Magnus brevi post (annus erat CIOCCCLXXIII.) in pugna cum Ottone Comite Schauenburgensi confossus est.
1373

Videantur de hac pugna Lerbecius in *Chronico Schauenburgensi*, Krantzius *Saxonie lib. IX. cap. XXXIX.* Buntingius in *Chronico Brunswicensi*.

XXIX. Hac tempestate monasterium S. Michaelis, quod hactenus in ipso monte fuerat situm, in urbem transferri coepit, novaque aedes sacra condita, & ab Henrico Langen Episcopo Verdeni fuit consecrata.

Factum id temporibus Weneri Groten, Abbatis Luneburgici, qui Iohanni Schlepegrell succesfit. Ossa Ducum in aede S. Cyriaci, quae ad pedem montis erat, sunt recondita. Stru-
au-

13.
cturae novi templi curam gessere Henricus Sotmeisterus & Brandanus Zarstedius, Senatores. Ipsum tamen monasterium ante annum CIOCCCLXXXVIII. non videtur exadificatum: quo primum Canonici Lūna (ubi tandiu manserant) in urbem concessere in festo Petri & Pauli.

XXX. Anno CIOCCCLXXVII. Carolus IV. Imp. mense Novembri Luneburgum venit, a Senatu populoque splendide exceptus. 1377

De Caroli in urbem ingressu Henricus Meibomius Senior hos versiculos reperit in codice MS.

Post tria C, post M, post septuagintaque septem

Sancti Martini profecto, mense Novembri

Tunc Caesar Augustus Romanus Rexque Bohemus

Ad Luneburgensem Carolus pervenit urbem.

XXXI. Anno CIOCCCLXXXI. Margareta, Alberti de Lubbeken vidua, domum suam in foro boario Segebando Vosio & Eberhardo Marenholtio vendidit: qui eandem porro Alberto Duci reddiderunt. Atque ex eo tempore Principum domus (das Fürsten-Haus) appellari coepit.

XXXII. Anno - - LXXXV. Senatui Luneburgensi Danneberga & Luchovia ab Alberto Duce fuerunt oppignorata. 1385

Priori oppido nomine Senatus praefecti dati sunt Hermannus Sporckius & Mangoldus ab Estorp.

XXXIII. Monasterium etiam Vallis S. Mariae (Hilligen Dale-Eloster) ex agro in urbem fuit translatum.

Factum id die S. Bartholomaei festum sequente, idque inter frequentia, quae tum coruscabant, fulmina & tonitrua.

XXXIV. Hoc ipso quoque anno Albertus Dux Saxoniae ac Luneburgi ad Rickelingam tormento percussus, truncato pede post paucos dies occubuit, ejusque exanime corpus Luneburgi fuit humatum.

XXXV. Alberto in Ducatu Luneburgico successit patruelis Wenceslaus, Elector Saxoniae: cujus tamen filias duas cum ducerent Fridericus & Bernhardus fratres, Magno Torquato geniti, non affinitas modo, sed & pax

14.
coaluit: excluso tamen tertio fratrum Henrico, qui magnas
ob id excitavit turbas.

De conditionibus pacis non æque convenit inter Historicos. Quidam volunt generos permisisse focero Ducatum Luneburgensem, a cuius obitu ad seniores fratrum laudatorum, & hoc extincto ad seniores Saxoniorum Dueum a Wenceslao descendendum devolveretur. Nonnulli a Wenceslao & Bernhardo commune regimen institutum volunt, sic tamen ut absente focero solus rerum potiretur gener. Quomodoque autem res comparata, id certum, Henricum a fratribus prateritum eorum pactis reclamasse; tractisque in partes Schwicheldiis & Stenbergiis, pagos ac minora oppida in Ducatu Luneburgensi devastasse: id quod factum anno CIOCCCLXXXVII.

1388 XXXVI. Cum anno CIOCCCLXXXVIII. nova cum Wenceslao focero, ut & Rudolpho Saxoniae Duce pacta inirent generi, ac mox Bernhardus sigillatim sibi prospiceret, hic a Conrado Steinbergio captus, ac non multo post Wenceslaus in obsidione Cellenfi tormento ictus vivere desit. Ex eo Henricus Wenceslai ac socias copias, devicit, & Winsenam ad Alleram occupavit.

1390 Longa est horum motuum historia, alibi *eddy. 320* sollicitius exponenda. Neque enim hic integram scribimus historiam patriam, sed ex eadem electa proponimus. Pro capto Bernhardus frustra diu laboravit focer, cum interea temporis Henricus Catharinam Alberti Saxonis viduam Cellis migrare compelleret, eandemque regiam suam faceret. Catharina illa anno CIOCCXC. mortua ad latus mariti sepulta fuit Luneburgi. Wenceslaus novum castrum Winsenam ad Alleram excitavit, quod Senatus Luneburgensis praesidiariis suis auxit. Sed dum Cellas fortiter oppugnat, graviter vulneratus vita excedit. Auctor tamen Compilationis Chronol. a Pistorio editus veneno sublatum tradit. Sepultus est Luneburgi in nova aede S. Michaelis. In praelio post mortem Wenceslai ad Alleram commisso Henricus & Fridericus (nam hic a Saxonibus & Bernhardo Patre secessionem fecerat) victores, tres Ottones cepere, Episcopum Mindensem, Schauenburgicum ac Hojanum Comites, Diterico Sprin-

Springintgudio Cos. Luneburgensi fuga egre sibi consulente,
multis suorum amisiss, captis pluribus.

XXXVII. Exin Luneburgensis Ducatus una cum metropoli ex Saxoniorum manu ad Magni Torqvati filios rediit; sic tamen ut Saxonici aliquamdiu non desinerent præferre Ducatus Luneburgensis titulum.

Certe Rudolphus, Saxoniae Elector anno c15ccccxv. usus est titulo sequenti: Wir Rudolff von Gottes Gnaden / zu Sachsen und Lüneburg Herzog / Pfalzgrafe zu Sachsen / Grafe zu Brene / Burggrosz zu Magdeburg / des Heiligen Römischen Reichs Erzh-Marschalek.

XXXVIII. Anno c15ccccxi. fossatum ex Albi ad 1391
Mölnam usque ducens, ad sal Lubecam devehendum magnis cum impensis fuit confectum.

Videatur Krantzii *Wandalie lib. IX. c. XXVI.* ubi tamen in chorographiam peccat, quando novum illud fossatum primum in Elmenoviam pertingere dixit, unde in Albim sit descensus. Sed res se habet aliter. Nam per Stekenizam in fossatum, atque ex eo in Albim devenitur: mox ex Albi descensus est in Elmenoviam, quæ Luneburgum olim alluit, nunc distingvit. Nam loqui Krantzium de Lubecensibus Luneburgum navigaturis, non contra, in propatulo est. Porro in eo quoque fallitur Krantzius, quod sal & ponderosæ merces aliæ, Luneburgo Lubecam, ac deinceps Hamburgum soleant deferri. Nam quis nescit, longe minori impensa per Elmenoviam ac Albim Hamburgum, quam per novum illud fossatum ad Stekenisiam (veros mæandros) Lubecam versus, atque exinde Hamburgum perveniri?

XXXIX. Anno c15ccccxcii. inter Bernhardum ac 1392
Henricum Duces, itemque civitatem Luneburgensem novum ortum est dissidium: quod primo licet feliciter compositum, mox tamen recrudit, aliis atque aliis causis emergentibus: cumque urbi faveret Otto Comes Schaumburgicus, iras Ducum incurrit.

Quanam prima harum litium causa, nondum mihi satis certo constat. Quod post redintegratam concordiam ea denuo la-

be-

benefactata, quinquaginta millia marcarum Lubecensium se ere, quæ jam a Luneburgensibus soluta exigebantur denuo, quod forsan in picatas aliorum manus incidissent. In Comitibus provincia laudati Duces castrum condidere Fredenou dictum, & ipsi & subiectis inimicum valde.

1396 XL. Anno CIOCCCXCVI. cum Luneburgo nimium gravis esset Henricus Dux, ac frustra pro ea deprecarentur urbes Hanficæ, res ad arma devenit: ac tum non modo Hanfa, sed & Nobiles quidam suppetias tulere Luneburgicis. Post variam utriusque partis fortunam induciæ triennales sunt initæ.

Henricus occupata Vltzena, Winsenæ ad Luhamfluvium Luneburgensium navigia sal Hamburgum & Lubecam deserentia detinuit: subditis etiam suis imperans, ne quid commeatus vel devehent in urbem, vel inde repeterent. Inter milites Ducis nemo ipsis infensor Iohanne Meltzingio equite, qui, quos cepit, cives truncato pede dimisit. Adi Krantzium *Metrop. lib. X. c. XXXVIII.* Luneburgensibus pro fœdere Hanfico inprimis opem ferebant Hamburgenses & Hannoverani. Suam quoque opem Senatui addixere, Statius a Mandelsloh, Iohannes Cluevus, aliiqve Nobiles. Hinc oppidani eruptione facta, paucos & saxa, quibus Elmenoviam obstruxerat Henricus, disjecerunt.

XLI. Sed quod his in motibus magnum æs alienum contraxissent Luneburgenses, nec absque Prælatorum ope id haberent expungere, cum hi se difficiliores ostenderent, facilius erat Innocentius VII. Papa in elargienda bulla, Prælatos in partem trahente: qui demum precibus victi quartam proventuum salinarum partem Senatui cessere, donec ære alieno se liberassent.

Ajunt in tabulariis superesse bullam Pontificiam, dignam quæ daretur in lucem.

1405 XLII. Anno CIOCCCXCV. novi motus inter Henricum Ducem & Luneburgum coorti, majus huic intulissent infortunium, nisi is a Bernhardo Cemite Lippiano ca-

17.
captus, & in custodia Falckenbergenſi duriter fuiſſet ha-
bitus.

XLIII. Anno cccccvi. turris ædis Iohanneæ ful- 1406
mine tacta conflagravit.

De hoc incendio ſequentes exſtant verſiculi in ſacrario
templi Iohannei:

*Iam Domino nato milleno ſex ſociato
Cum quadringentis virtute rogi vehementis
Virginis in feſto dum ſumpſit Ave Gabrielis
Redduntur præſto campanellis Michaelis,
Æthereum fulmen tantum diſcrimen agebat.
Facta fuit mox horrida nox, non letitiæ vox,
Multi proſtrati, læſi ſunt fulminis iſtu
Quidam ſervati vitæ remanent ſine viſtu.
Evitare velis ſi penas ulteriores
Demonis a telis ſtudeas convertere mores.*

XLIV. Anno cccccvii. Conradus Verdenſis Epi- 1407
ſcopus Rotenburgi demortuus, in æde S. Michaelis Lune-
burgi humatus eſt. Succellores habuit duos, in ſchiſma-
te ſcilicet electos, Vlricum, Canonici Juris Doctorem,
Gregorio XII. Papæ adhærentem, & Henricum Comi-
tem Hojanum, ab Alexandro V. probatum. Et ille qui-
dem in domo Verdenſi aliquamdiu habitavit Luneburgi.

De Conrado legendus eſt Krantzſius *Metropol. lib. XI. cap.*

III. De Schiſmate Verdenſi ex ſchiſmate Papali nato alibi di-
ſpiciendum.

XLV. Anno cccccix. Sacrarium S. Nicolai, ex 1409
quo poſtea parochialis ædes nata, ab Vlrici Epiſcopi Ver-
denſis Vicario Burchardo de Monte fuit conſecratum.

Sacrarium illud fundavit Senatus, eoqve duas ſacerdota-
les Vicarias ex æde ad S. Spiritum minori tranſtulit. Principi Pa-
tronorum Nicolao focii dati ſunt Stephanus Protomartyr,
Mauritius cum commilitonibus, & virgo Barbara.

XLVI. Anno cccccxvii. legati Luneburgenſes ex Con- 1417
ſtan-

C

stantienſi Synodo retulerunt privilegiorum urbis confir-
mationem per Sigismundum Cæſarem factam.

Legati fuere Henricus Viſculius Cos. & Ditericus Spring-
intgudius Senator. Tertia poſt feſtum Paſchatos hebdomade
abeuntes, paulo poſt feſtum Michaelis reverſi ſunt.

1419 XLVII. Anno CIOCCCCXIX. Feſtum Corporis Chri-
ſti Pontificium primum celebrari cœpit Luneburgi.

1423 XLIIX. An CIOCCCCXXII. Wilhelmus Dux Brunſwi-
co - Luneburgenſis nuptias celebravit Luneburgi cum Cæ-
cilia Friderici Electoris Brandenburgienſis filia.

Tangit has nuptias Krantzius *Saxon. lib. XI. cap. X.*

1424 XLIX. Anno CIOCCCCXXIV. turris Springintgu-
diana, ac cærulea magnis impenſis ſunt conſtructæ.

Altera prope monaſterium S. Michaelis, inter Novam &
Bardewicenſem; altera inter Rubeam & Salinarem portas. Il-
la jam deſtructa, hæc mala captivis manſio eſt.

1437 L. Anno CIOCCCCXXXIV. Bernhardus Dux Winſe-
næ decedens Luneburgi ad S. Michaelem tumultus eſt.

1435 LI. Anno ſequenti, Nicolao Archiepiſcopo Bremeni
corpore ac animo langventi ſucceſſor dabatur Boldewi-
nus, nobilis dynaſta a Wenden, Abbas Luneburgenſis, qui
Abbatiam retinuit.

Auctor anonymus Chronici Slavici: *Boldewinus Abbas S.
Michaelis in Luneborch electus eſt, & conſecutus in Archiepiſco-
pum Bremeniſem, retenta Abbacia in commendam. Confer
Krantzium Metropol. l. XI. c. XXXVI. Optime de hoc novo
Archiepiſcopo meritis eſt Senatus Luneburgenſis: ſed eo ipſo
æs alienum auxit. Obiit Archiepiſcopus anno CIOCCCCXXI.
Voluiſſe illum Luneburgi quieſcere, ſed tamen Bremam relatum,
notat Krantzius in Metropol. d. I.*

1436 LII. Anno CIOCCCCXXXVI. cum de novo aquæ-
ductu ex Obacra (Diſer) in Alleram ageretur, atque id
in damnum inſigne Salinarum verteret Luneburgenſium,
ut id impediretur, Senatus omnem movit lapidem.

Im-

Impensas Luneburgensium ultra octoginta marcarum millia excrevisse ferunt.

LIII. Eodem tempore cum Magdeburgenses sal Stasfurtense ac Saltzenſe per Albim ad Mecklenburgica devehere vellent, precibus Luneburgensium moti, his consiliis obstiteret Marchio Brandenburgicus, Principes Anhaltini, Episcopus Havelbergensis, & Gansius Dynasta Putlicius.

LIV. Anno cccccxxxix. Otto & Fridericus, Bernhardi Ducis filii, Luneburgensium privilegia confirmarunt, addito superpondio, ne quis novus aqueductus Luneburgo incommodus per ipsorum provincias pararetur.

LV. Anno cccccxl. porta Bardewicensis fuit constructa.

Sic sane reperio in Annalibus: neque tamen id de prima structura, sed de nova ejus forma castelli formi accipio.

LVI. Anno sequenti moenia ab Elmenovia usque ad Sulciam, ac deinceps a monte calcifero ad Elmenoviam conditi, turribusque distingvi coepere, adjuncto fossato amplo ac profundo.

Tribus annis haec structura fuit absoluta. Impensae steterunt centum ac septuaginta marcarum millibus.

LVII. Etiam novum castrum ad alterum littus Elmenoviae e regione monasterii Lünenſis construebatur, a vulgo Stür-Lüne dictum.

Hoc gravibus de causis postea fuit dirutum, cumque anno cccccxvi. pestis grassaretur vehementius, nosocomium ibidem conditum, quod in praesenti durat.

LVIII. Anno cccccxlii. Senatus Luneb. a Wilhelmo, Friderico atque Ottone Ducibus montem calciferum coemit.

Idque ut eo major calcis suppeteret copia ad construenda moenia. Wilhelmo duo florenorum Rhenensium millia octingen-

gentas item septem ac quinquaginta marcas; Friderico ac Ottoni sedecim marcarum millia persoluta fuisse, reperio.

1444 LIX. Anno c15ccccxliv. diviso Archidiaconatu Mostorpiensi, Præpositura ad S. Iohannis ædem, consentiente Episcopo Verdensi, condita, bullaque Papali fuit confirmata. Vltimus Archidiaconorum erat Conradus Apenburg, Præpositorum primus Iohannes a Minda. Nuperrime ea dignitate auctus est Hermannus Fridericus Witzendorpius, Senator genere, doctrina ac meritis nobilissimus.

Origines hujus Præposituræ memorant Auctor Chronicæ Slavicæ, & Krantzius *Wandalie lib. XII. cap. XII.* Iohannem a Minda secuti sunt Leonhardus Langius, Conditor domus Præposituræ Luneburgensis: Arnoldus de Heida, Bremensis, Iuris Doctor: Iohannes Barum, Hanoveranus: Iohannes Sartorius a Thuna: M. Iohannes Colerus, Hagensis: Iohannes Knaustius de Wismaria, I. V. D. Iacobus Schomakerus, Patricius Luneburgensis & Canonicus Bardewicensis: Henricus Stappensen, Brunswicensis, I. V. D. Henricus Borcholt, Luneb. I. V. D. M. Valentinus Guden, Senatus Luneb. Protonotarius: Henricus de Senden, I. V. D. Leonhardus Elver, Patricius Luneb. I. V. D. Henricus Backmeister: Wilhelmus Walckóvius D. Cos. Henricus Crolovius D. Cos. Georgius a Dassel, Cos.

LX. Eodem anno ædes suburbana S. Gertrudis ad portam rubeam fuit constructa,

Primum lapidem ex decreto Senatus, die XX. Augusti posuit Henricus Langius Cos. In hanc structuram impendebantur ter mille, sexcentæ quatuor & octoginta marcæ. Diruta fuit hæc ædes, relicto minori sacrario anno c15 lxxi.

1447 LXI. Anno c15ccccxlvii. primum coeperunt graves illi motus dulcissimam patriam per complures annos vehementer concutientes. Nati fuere ex debitis publicis: ad quæ expungenda Prælati vel nullam vel parvam contribuere volebant symbolam. Præcipuus incentor fuit
Dite.

Ditericus Schaperus, Præpositus Lünenfis parthenonis:
de quo tamen Senatus optime fuerat meritis.

Nam ex Protonotario Senatus, atque hujus præcipua
commendatione, Præpositus Lünenfis, Conrado Zarstedio suc-
cessit anno c^o cccc^o xlii. Aeris alieni summa erat primum
novem mille centum ac quinquaginta marca: sed in dies illa
fuit aucta.

LXII. Confugit quidem Senatus ad opem Nicolai V.
Papæ: sed hunc perdifficilem admodum sensere, animo
jamtum per Prælatos occupato.

Nam in tempore a Prælati Romam missus erat Conradus
Hollemanus, Ducum scriba primarius, qui ibidem impetra-
vit bullam Luneburgensibus infestam: quam eandem brevi post
confirmavit Papa: in alia omnia abeunte Rotæ Romanæ, ac aliis
item judiciis. Quæ cum sequi vellet Senatus, adventat Con-
radus de Blanckenburg, Cardinalis & Camerarius Papæ: qui
splendide exceptus Luneburgi, svasit Senatui, ut denuo Præla-
tos vocarent, faciliores forsitan sese præbituros.

LXIII. Anno c^o ccccl. Prælati magno numero ¹⁴⁵⁰
Luneburgum venire, cum quibus per Conradum Car-
dinalem, & Johannem Episcopum Verdenssem diligenter
egit Senatus de liberaliori contributione: quæ cum ne-
garetur, Senatus adversus hanc pertinaciam protesta-
batur.

Aliqua quidem permittebant, sed æri alieno plane non
respondentia.

LXIV. Atque o utinam omnes Prælati Episcopum
Verdenssem fuissent secuti! Sic enim nec patriam meam,
nec se quoque tot implicuissent malis.

Is namque singularem comminiscatur modum juvandi
res afflictas Luneburgenses, per illam, quæ vocabatur, *Ordi-*
nantiam: quam a nonnullis Prælati probatam, reliquis relu-
stantibus Romanus Pontifex noluit confirmare.

LXV. Sed qui Episcopum rejiciebant, reluctaban-
tur

tur quoque Adolpho Sleswicensi Duci, in redintegrandam concordiam sollicitè laboranti, comitiis tum Segebergæ, tum Mölnæ institutis.

Ad priorem conventum Senatus misit Marquardum Midelhauptium, scribam primum; ad posteriorem Johannem Springintgudium Cof. Hartwicum Schomakerum, & Albertum van der Mölen/Senatores.

LXVI. Interea Prælati per legatos Romam missos bullam nacti sunt Pontificiam, qua jubebantur Luneburgenses omnia debita exsolvere Prælatis: ac novus in hac causa iudex dabatur Ditericus Dumpenitius, Decanus major Halberstadenensis: qui Senatum Halberstadium evocatum, nec dicta die comparentem excommunicabat.

1452 Prælatorum legati erant Johannes Rhodius Præpositus Bremensis, & Henricus Dunckerus Canonicus Lubecensis. Decani Halberstadenensis citatio anno ciro cccclii. in die S. Thomæ cathedrali Ecclesiæ Bardewicensi affixa, sed a Canonicis præpropere refixa, antè proximum festum Paschatos non innouit Luneburgensibus: qui a Decano excommunicati innocentiam suam ac Bardewicensis cleri astum demonstrabant. Licet autem accepta pecunia excommunicationem tolleret Decanus, mox tamen contra jus ac fas repetit.

LXVII. Sed Senatus ad futurum Concilium provocans, excommunicationem insuper habuit, ac Clericos sacra facere detrectantes dimisit.

Inprimis Johannes Langius ad S. Johannem Præpositum provocatione illa nixus, perrexerat aliquamdiu obire sacra munia.

LXVIII. At Ditericus Schaperus jam exul Johannem fratrem Romam miserat, qui bullam retulit Prælatos Luneburgo faventes excommunicantem: cumque hi una cum Senatu Romam ablegarent viros gravissimos de vi ac injuria querentes, in carcerem coniecti sunt: quos per Albertum van der Mölen/Consulem, Senatus non sine insigni lytro liberavit.

Scba-

Schaperus Luneburgo prohibitus, ac repetundarum reus (nam ultra sedecim florenorum millia ex bonis Lünenſis monaſterii ablaturiverat) juſſu Verdenſis Epifcopi, Præpoſitura exutus, fuga ſibi conſuluit, in curru ſimo onuſto abditus, atque dein exul Brunſvici, Hildeſiæ ac Hannoveræ agebat: non intermittens tamen res novas moliri. Bulla, quam frater ejus Romæ accepit, inter alios damnabat Langium Luneb. Præpoſitum, & Luderum Lertem, Præpoſituræ Lünenſis Adminiſtratorem. A Prælatis & Senatu Romam miſſi ſunt M. Johannes Gerbertus, Præpoſitus quondam Kührſtanus, M. Nicolaus Graurockius, Archidiaconus Bevenſanus, M. Nicolaus Stacketo, & Otto Berlinius. Procuratores Capitulorum Lubecenſis ac Hamburgeniſis Stacketonis cubiculum irrumpentes Romæ, arceanas, quas penes ſe habebat, ſcripturas compilarunt, deſcripſerunt, ac paſſim divulgant. Anno cto ccccliii. laudatus 1453 Coſ. Romam profeſtus circiter mille aureos (quos ducatos vocamus) expendit, ut captivos liberaret, cetera nihil obtinens, imo nec a Pontifice admiſſus.

LXIX. Neque tamen ſacra quieverunt ante diem S. Sviberti, quo Clerici Senatui adhaerentes omnes & ſinguli anathemate Papali percuſſi, atque exin variis promiſcua plebis ludibriis fuere expoſiti.

Alicubi tamen clauſis januis celebrabantur miſſæ: & Canonici ad S. Michaelem licebat per plebanum domi baptizare infantes, ac morituris S. Euchariſtiam porrigere.

LXX. Jam cives aliquot Pontificia excommunicatone pro obtentu uſi, novisque rebus ſtudentes in horto quodam conventicula habebant. Inter hos primipili erant Vlricus Schaperus, Direrici Ex-Præpoſiti frater, & Neubaueri tres, qui mox in partes trahebant Johannem Dalenburgium publicanum.

Ab horto illo *eqvites horteryſes* (die Garten-Ritter) vocabantur. Meinhardus Neubauerus inter Patricios, Johannes Advocatus urbis, & alius Johannes propola. Dalenburgius aliqui vir erat bonus, & hæcenus Senatui fidus: ſed a reliquis accepius male ſibi conſuluit.

LXXI.

LXXI. Ineunte anno cto ccccliii. Adolphus Dux denuo in redintegrandā concordia occupatus Luneburgum venit, Episcopum Lubecensem Arnoldum Westphalium, & legatos hujus urbis adducens: ac tantum valuit horum auctoritas, ut dimidia pars Prælatorum in constitutionem illam Verdenſis Episcopi concederet.

Legati Lubecensis Senatus erant Wilhelmus a Calven Consul, & Bartholomæus Nicradius, Senator.

LXXII. Sic igitur Senatus causæ bonitate fretus, refractariorum Prælatorum bona fisco addixit: & licet mox eadem reciperent, tantum tamen aberat, ut id ad eos demulcendos valeret, ut potius Senatum de vi ac spolio Romæ accusantes, a Nicolao Pontifice referrent bullam minis turgidam: quam post brevem moram Decanus Halberstadiensis Vltzæ publicavit, ac passim per vicinas urbes ac vicos fecit promulgari.

Redditionem bonorum Senatui suadebant Adolphus Dux, Verdenſis ac Lubecensis Episcopi, itemque Lubecæ, Hamburgi, Brunsvici, Hildesie & Hannoveræ legati: qui ad diem Jacobi iterum convenerunt Luneburgi. Quod ad literas Papæ, fatetur Auctor Chron. Slav. *inter cetera iis præceptum Proconsules & Consules a consularibus officiis velut infames abjicere, & alios loco eorum surrogare, sub certis gravibus pænis.* Confer Krantzius *Wandelie lib. XII. cap. XIX.*

LXXIII. Hæc bulla januam seditioni civium aperuit: condito sexaginta-virali collegio: quod Prælatis suadentibus, claves portarum ceterorumque propugnaculorum extorſit Senatui, eundemque non multo post præsentibus Prælatis exauctoravit, atque ex sua facie novum Senaculum creavit.

Qui loco movebantur Consules erant Johannes Garlopius, Johannes Springintgudius, Henricus Langius, & Albertus vander Mölen: Senatores autem Ditericus Brömsius, Hartwicus Schomakerus, Johannes Elverus, Johannes Tobingius, Henricus

cus Viscalius, Luderus Stoteroggius, Henricus van der Mölen/
 Conradus Schelpeperus, Luderus de Winfen, Johannes a Loh,
 Ericus Gifius, Eccardus Wangelovius : quibus alii Henricum
 Wittingium & Johannem Elebekium addunt. His a Johanne
 van der Mölen (is ante triennium Senatu motus domo pedem
 non extulerat : sed nunc novo a conjuratis honore factus ele-
 ctor novitii Senatus factus est) surrogabantur Henricus Ribe &
 Henricus Senkstakius Coss. itemque Senatores Johannes a
 Greve, Luderus Warendorpius, Nicolaus Visculius, Henricus
 Grönhausen, Johannes Witzendorpius, Johannes Senkstakius,
 Henricus Vpleggerus, Eccardus Crusius, Henricus Probstius,
 ipso quoque Johanne van der Mölen inter illos manente.

LXXIV. Neque hic stetit horum hominum pro-
 tertvia : sed Senatores depositos variis modis cruciabant,
 bona domestica & externa ipsis eripiebant, ac tandem
 Johannem Springintgudium Consulem in turrem illam,
 quæ postea ab eo nomen accepit, compingebant : in qua
 pessime habitus exspiravit.

Omnes illas turbas non capit hæc scriptio : sed plenior
 historiam, si Deo ac Mæcenatibus ita visum, alii reservamus
 operi. De fato optimi ac de patria optime meriti Consu-
 lis tantum adscribam verba Krantzii ex *Wandalia lib. XII. c. XIX.*
Erat ex Proconsulibus quidam, qui pro animi magnitudine &
constantia etiam nollet (quum potuisset) cedere, quod sibi nihil
male conscius erat in omni causa, paratus etiam pro justitia, ne
periclitetur, occumbere. Ceteri qui remansere, mulctantur ære :
unus ille omni honore & vita longiore dignissimus, carceri inclu-
ditur. Servat turris ea nomen tum primum inclusi, quod nova
nec dum alium servasset carceratum. Is tamen vel carceris du-
ritie, vel aeris inclusi intemperie, vel (quod multi suspicantur)
de manu medici dato veneno, vitam amisit in carcere. Cum
turris illa anno c1513c LI. jussu Serenissimi Ducis Christiani
Ludovici excinderetur, memini B. Parentem meum innocen-
tissimi Consulis fatum repetere, & in ipsa hujus turris fortuna-
 D agno-

agnoscere divinam manum : quæ post aliquod sæcula dirutam voluerit turrim Consuli suo olim tam molestam.

LXXV. Corpus exanime primum obscuriori loco tumultatum : sed postea rebus compositis effossum, inque æde S. Johannis honorifice fuit conditum.

Nimirum ab excessu viri corpus in alterum diem jacuit neglectum : ac tum a quibusdam ex ima plebe raptum in vicino Prioris ad S. Michaelem horto, sub receptaculo vehiculorum sepultum, tamdiu quievit ; donec Senatus excommunicatione Pontificia solutus, dignitatique pristinæ restitutus singularem eam habuit funeris Springintgudiani. Factum id anno ciro cccclxiii. quo summa cum reverentia totiusque cleri concursu ossa sunt effossa, & in ædem S. Johannis ad sacrarium Corporis Christi delata. Æternum bene sit animæ, ac donec Luneburgum steterit, vigeat memoria optimi Consulis!

LXXVI. Jam in reliquos Coss. & Senatores eudabatur faba : quorum nonnulli in carceres coniecti, aliqui domi manere iussi, ceteri patria pulsi erant ; cum Bernhardus Dux Brunswico-Luneburgensis, Administrator Hildesienfis Scharnbecam evocatos ob has turbas corripere novos Senatores : quæ castigatio tantum valuit, ut postea paulo moderatius agerent.

Nam Wittingium, Stöteroggium & Elebekium arresto solverunt : ac Wangelovium quoque captivum dimississent : modo non (quod Springintgudium hactenus viventem, & alios nondum liberatos audiret) sponte maluisset manere in carcere. Mox tamen per Fridericum Ducem ac Bernhardum filium ejus, itemque legatos Lubecensium facta quædam est compositio, pro qua & reliqui captivi fuere dimissi. In Ecclesiæ quoque communionem nonnulli sunt recepti : in quo multum valuit pecunia sacris hominibus soluta.

LXXVII. Mirum, quid hoc tempore moverit Fridericum Placidum Saxonie Electorem, exauctorati Senatus causam agere. Nam eundem non modo Fridericum
Duci

Duci Brunsvico-Luneburgensi, sed & novo Senatui hostilia denuntiassē reperio. Fecit hoc quoque Fridericus Archiep. Magdeburgensis: atque item Henricus Mecklenburgicus.

Parum tamen promoverunt. Nam ex quo duodecim pagos in tractu Bardewicensi diripuerunt, ab oppugnatione Clotzæ castri recessere. Si Hoppenrodii *Albo* fidem habemus, Guntherus Comes Barbyensis controversias inter Magdeburgum (nescio an intelligat Archiepiscopum) & Luneburgum composuit.

LXXVIII. Commodum interim Fridericus III. Cæsar de his motibus, ac imprimis nece Springintgudiana edoctus, non modo cognitionem causæ aliquot urbibus, sed & singulari legato commisit, jubens Senatum novum rationem gestorum reddere, exauctoratos Senatores recipere, bonaque iisdem restituere.

Ditericus Springintgudius, B. Johannis Cos. frater M. Nicolaum Stacketo ad Cæsarem miserat: quem secutus nomine pristini Senatus Marquardus Middelhauptius: qui commodandi nacti tempora, pluribus exposuerunt, quantas turbas dederit Senatus novus. Hinc causa Senatui Lubecensi, Bremenfi, Hamburgensi, Brunsvicensi, Stadenfi ac Buxtehudano fuit credita, quorum legati cum Cæsareo Luneburgum venientes mandato munere defungebantur.

LXXIX. Mandatum Cæsareum passim affixum in, terrorem conjecit turbones, eorumque patronos: quod multo factum magis, postquam appellatio novorum hominum rejecta, novumque mandatum cum acerbiori poenarum denuntiatione secutum.

Sinisterius hac de re loquitur Auctor *Chronici Magdeburgensis* ab Excellentissimo Meibomio nuper publicatus *Tom. II. Rer. Germanicarum*.

LXXX. Movit hoc bonos quosdam ac patriæ amantes cives, ut auctis subinde viribus obicem ponerent in-

solentia LX-viralis collegii, novique Senatus. Sed ex illo nonnulli in tempore aufugerunt: ceteri Friderico Duci ob id vocando, ac bonis civibus qui parerent, promittere necessum habuerunt.

1456

LXXXI. Post adventum Ducis (quod factum anno CIO CCCCLVI. die Dominico Martini festum excipiente) exauctorati Senatores in urbem rediere: ac tum post sollicitam inquisitionem apparuit, quia fide rem publicam curasset Senatus novus. Qui propterea ipsius Friderici ore exuere indebitam dignitatem iussus est, non aliis iterum electis, quam qui per summam injuriam Senatu erant moti. Gesta a Bernhardo Duce sunt confirmata.

Ipsam formulam Principis dialecto patria conceptam ex Chronico veteri subjicio: *Iy / de in nomen de Rath tho Lynes borch / schöllen upstan / un geven öber den Rathstoel. Iy hagden den Börgern nich lang vor ein Radt. Iy hebben se nich wol vörgestaen / un vef scholle in ghan in iur Hus / un dar nich uth / sündet der Börger willen: und düßes dot in so williglick und ungedrungen. Oef so willen de Börger enen andern Rath erwälen / den will unse gnädige Heer bestädigen / de se vörstahe. De hac conversione rerum Luneburgensium in æde S. Johannis olim hi rhythmici fuere lecti.*

Theodori: *E. Zal schar*

M. *IIII E. III. Jahr*

De olde Rath wedder quam

Beter itd ward / als man vernahm.

Primus versiculus indicio est, die Theodori reversos esse Coss. ac Senatores. Quid autem sibi velit litera quinquagenarii nondum capio. Auctor Chronicæ Slavicæ: *Dux Bernardus filius Friderici, naturalis eorum Dominus & communitas rem spectam habentes, novis proconsulibus & consulibus ac sexaginta-viris repente a suis officiis destitutis, antiquos proconsules & consules ad pristina loca consularia de facto reposuere, Apostolica mandata contraria minime curantes.*

LXXXII.

LXXXII. Paulo post nova juramenti civilis formula ab urbium legatis conscripta, a civibus recepta, ipsumque juramentum fuit præstitum.

Formula hæc est: Dat ick dem Rade un der Stadt will truw und hold wesen / ehr argest affthofehrende / und dat beste tho wetende dohn / dat ick nehen Uplop / Ewidracht machen will legen se / dat ick des erbare de Ewidricht machen wolde / dat ick dat dem Rade will wittlicke dohn / un vormelden. Dat mie Göt so helpe / unde de Hilligen.

LXXXIII. Exin de causa Springintgudii disceptatum, ac omnes qui de captivitate ac cura ejus in carcere egerant, capti, sed soluta pecunia a capitali supplicio liberati sunt: secus ac speraverat Ditericus Springintgudius, qui capere plectendos desiderabat unice. Verum dum in portu se putant navigare, Alberti Marchionis Brandenburgensis legati ex decreto Cæsaris denuo hanc rem urgent anno 1457 CCCCCLVII. ac tum non modo hi, quos singulariter accusaverat Ditericus, sed & plures alii certam summam pecuniæ Cæsari, Senatui, hæredibus Springintgudianis solvere, ac insuper solum patrium vertere compulsi sunt: ex quibus nonnulli subinde in gratiam recepti, aliqui in exilio obierunt.

Alberti Brandenburgensis legati erant Hartnidus a Stein, Cancellarius, & Wenceslaus Reinmannus, Canonicus Onoldinus. In exilio Vlræ mortuus est Iohannes van der Molen.

LXXXIV. Neque sic tamen Prælatorum aliqui quievere; imo novam bullam Papalem, sed & mandatum Cæsareum Senatui adversum nacti, denuo triumphare cœperunt. Et sane quia legatus Cæsareus Hartwicus Cappelus, a Prælatorum ac novi Senatus partibus stabat, & ab ejus reditu novo mandato proximum firmaretur, dici non potest, in quantas angustias denuo conjiceretur dulcissima patria.

1458

LXXXV. Accesit anno c13ccccclviii. novum inter Wilhelmum & Henricum Brunswicenses, itemque Bernhardum Duces, ac Verdensem Episcopum bellum: cui implicitus fuit Senatus populusque Luneburgicus, hos Macenates suos pecunia ac milite iuvans. Et quamvis Magnatum causâ componerentur, cum Luneburgo tamen nullam compositionem admittere volebant Wilhelmus & Henricus, excommunicatione Pontificia & proscriptione Cæsarea nixi.

Habet aliqua de his motibus Krantzius *Saxon. lib. XI. cap. XXXVII.* Nos aliquando rectiora dabimus. Ad hunc annum paucis tangendum est Iohannis Dalenburgii & Vlrici Schaperi capitale supplicium: id quod variis delictis meruere.

1460

LXXXVI. Proscriptionem illam simplicem anno c13ccccclx. excepit suprema: (die Oberacht) quam tamen non multum opinor nocuisse urbi patriæ. Et jam Prælati diuturnas lites pertæsi, partim per se, partim per alios intercessores ac imprimis Christiernum Daniæ Regem cum Senatu in gratiam rediere.

LXXXVII. Quod igitur jam lites cum plerisque Prælati essent sopitæ, Fridericus quoque Cæsar proscriptione sublata, pristina sua gratia Luneburgenses complexus est.

1464

LXXXVIII. Turbavit tamen illud gaudium anno c13ccccclxiv. Bernhardi Ducis obitus, qui ducta uxore administrationi Episcopatus Hildesienfis renunciaverat: id quod Fridericum Patrem movit curas regiminis pridem depositas denuo recipere: utpote Ottone Bernhardi fratre nondum ex ephebis egresso.

1470

LXXXIX. Anno c13ccccclxx. gravis tumultus Luneburgi cooriebatur adversus Ottonem Ducem, in monasterio S. Michaelis quosdam Canonicos exauctorantem, novosque in eorum locum surrogantem. Sed quod Senatus

31.
natus in tempore opem ferret Duci, motus illi conqvie-
vere.

XC. Anno c15ccccLxxi. Fridericus III. Imp. Sena-
tui Luneburgensi singulare dedit privilegium de institu-
endo Collegio Iuridico, duobus vel tribus Doctoribus
ornato, qui jura civilia interpretarentur, disputationes
haberent, Baccalaureos ac Doctores crearent, ac aliis o-
mnibus actibus Facultati Iuridicæ in Academiis illustribus
debitis defungerentur.

1471

Ipsius privilegii apographum in nostris est manibus, quod
& alibi integrum, nunc præcipua tantum ex eo afferemus.
Vestrorum meritorum impulsa, animo deliberato, de sano
Principum, Comitum, Baronum, Nobilium & Procerum
nostrorum & Imperii sacri fidelium dilectorum consilio,
exacta scientia, & de Imperiali potestatis plenitudine con-
cedimus, indulgemus, & clementer elargimur, quod deinceps
perpetuis futuris temporibus in præfato oppido Luneburgensi
leges Imperiales, quæ & jura civilia, publice legi, resumî
& disputari, ac alii actus scolastici in eadem Facultate ex-
erceri libere & licite possint & valeant per duos aut tres
eiusdem Facultatis Doctores approbatos in loco decenti per
vos ad id deputando, & ad instar generalium studiorum
& Universitatum pariformiter & absque ulla differentia.
Ita tamen quod eisdem Doctoribus per vos deputandis de-
cens & competens fiat provisio. Et quia Imperialis ma-
jestas benemeritos & quos laboriosis studiis, acutis inge-
niis & continuis vigiliis gloriosam palmam sapientia con-
secutos, dignos laudum testimonio comprobatos reperit, ho-
norare, ad altum scientiarum gradum Doctoratus celebra-
rimam dignitatem promovere, cathedram ascendere con-
suevit & indulgit; ex similibus scientia & potestatis pleni-
tudine

tudine Doctoribus, qui pro tempore sic stipendiati ibidem erunt, legent, disputabunt, & alios actus scholasticos exercebunt, concedimus facultatem creandi & promovendi in Baccalaureos Doctoresve in legibus, quos per diligentem examinationem repererint habiles, idoneos & sufficientes, benemeritos & approbatos: sicque per eos creatis consuetudine Doctoratus insignia conferendi, ac eos Doctoralibus ornamentis insigniendi, nec non ipsis dandi & tribuendi licentiam & auctoritatem cathedram magistralem ascendendi, ac in ipsa legali facultate legendi, glosandi, interpretandi, disputandi, resumendi, & omnes alios actus Doctorales publice ubique per sacrum Romanum Imperium faciendi & exercendi. - - Dat. Ratispona die octava mensis Augusti.

1472 XCI. Anno c13ccccLxxii. vita excessit Johannes Verdenſis Episcopus, mirifice de patria nostra meritus.
Vide Krantzius *Metropol. lib. XI. c. XXIX.*

1475 XCII. Anno c13ccccLxxv. Senatus Luneburgensis Friderico Imp. in Carolum Audacem Burgundiae Ducem moventi suppetias misit.

XCIII. Eodem anno coeperunt motus Blekedani anno demum hujus in quo occupamur, saeculi Lxxxi. compositi: in quibus inprimis emicuit summa virtus Hartvici Schomakeri Senatoris, ab ipso Johanne Brandenburgensi Electore aestimata.

Longiore est harum barbarum historia, quam quae his pagellis possit concludi. Hartw. Schomakerus vixit ad an. c1515 xi.

1482 XCIV. Anno c13ccccLxxii. a Diterico Brömsio & Henrico Töbingio ærarii præfectis, M. Henricus Fischerus magister scholæ ad S. Johannem receptus est, dimisso Hermanno Schwidenio.

Vt adeo hæc schola jam in Papatu floruerit. Origines ejus ad

ad monachos Vallis S. Mariæ referuntur : nisi forte schola illa monastica ab hac Johannea distingvenda est.

XCv. Anno CIccccclxxxiii. Johannes Elector Brandenburgensis Luneburgum in clientelam suam recepit. 1483

Testis est Johannes Cernitius in *Catalogo Electorum Brandenburgensium*.

XCvi. Anno CIccccclxxxvi. Luneburgensis Senatus Hildesienfisbus cum Episcopo suo belligerantibus auxilia submisit per Hartwicum Schomakerum & Ditericum Wulschium Senatores. Quo anno porta ad calcarium montem corruit, sed exstructa noviter Novæ nomen accepit. 1486

XCvii. Anno CIccccclxxxix. rejectis monachis Gaudentibus, in monasterium S. Mariæ fratres de observantia admissi sunt. 1489

XCviii. Anno CIccccxcii. Patricii ædis S. Lamberti singularem habuerunt curam, inque ejus usum magnam vim pecuniæ collegerunt. 1492

Nam singuli viginti marcas contribuerunt.

XCix. Anno CIccccxcvi. grandis illa turris formæ rotundæ pone molam senatoriam fuit constructa per ædiles Ditericum Wulschium, & Bartholomæum Wittigium. 1496

C. Anno CIciii. certi articuli sunt definiti de regimine Scholastico ad S. Johannem, in Logica, Grammatica, Rhetorica : de Prorektoratu, Succentore, Baccalaureis & Locatis. 1501

Id quod me per literas docuit Cl. Reiskius, Scholæ Luneburgensis Senatoriæ ante annos aliquot, nunc Wolferbytanæ Rector optime meritus, amicus meus singularis.

CI. Anno CIciii. Raimundus Cardinalis Luneburgi 1501

E Do-

Dominica Palmarum in cœmeterio S. Johannis missam celebravit, adstantibus Michaelitano & Scharnbecensi Abbatibus, & palmas consecrantibus.

1511 CII. Anno c10 10XI. Luneburgenses ex legibus Hansici fœderis Lubecenses cum Rege Daniæ belligerantes juverunt.

1516 CIII. Anno c10 10XVI. fusa est campana maxima in turri adis Johanneæ.

Imagines & Inscriptiones hujus campanæ describit doctissimus civis noster Nicolaus Eggers Dissert. II. *de Campanis*: in quo argumento ut porro, quantum per sacras licet occupationes, elaboret, opto.

1517 CIV. Litibus inter Henricum Ducem ac urbem Luneburgum per Johannem Elect. Brandenb. Soltwedelii anno c10 10XVII. compositis, anno proximo Dux Henricus cum Ottone, ac Ernesto filiis Luneburgum venit circa Quadragessimam: a Senatu splendide exceptus.

1528 CV. Anno c10 10XXVIII. Ernestus Dux Luneburgensis impium cultum Pontificium aboliturus, Abbatias ac Præposituras occupavit, & nonnullis Præfectos ex nobilitate dedit. Ceterum Abbas Scharnbecensis Henricus Radbrokiius relicto monasterio Luneburgum concessit, ac ducta uxore in aula Scharnbecensi ibidem consenuit.

Lünensi monasterio Præfectus dabatur Johannes Haselhorstius; Scharnbecensi, Ditericus a Gilten; Medingenfi, Thomas a Gerden; Ebbekistorpiensi Simon Reineccius. Radbrokii Abbatibus matrimonium cum Hermannii Prallii filia in omnium hominum oculis mirabile visum, Schomakerus in *Annalibus Luneburgicis Mss.* annotavit. Meminit quoque hujus rei Auctor *Topographiæ Brunswico-Luneburgensis*. Mortuus est hic Abbas Luneburgi anno c10 10XXXVI.

1530 CVI. Anno c10 10XXX. Luneburgi prima purioris doctrinæ semina spargi cœperunt in æde S. Nicolai per Frieder-

35.
dericum Henningesium. Is fidum sacri laboris socium
habuit Henricum Ottonem : quibus brevi post accede-
bant Johannes Lampadius & Hartwicus Eichenbergius :
quos secuti sunt Gerhardus Herberdingus & Caspar Roms-
hagius : Senatu primum ad hæc talia connivente.

Henningesius paulo ante Hamburgum deseruerat , quod
Papismo nollet renunciare : ac nunc (ecce divinam manum !)
fit Evangelista Luneburgensium. Eucharistiam sub utraque
specie primùm desiderantibus porrexit Dominica Invocavit, ac
Psalmos Germanicos decantari fecit. Primos illos veritatis
Evangelicæ præcones laudat atavus meus maternus Lucas Los-
sius in carmine quod M. Henningesii Epitaphio subjecit.

CVII. Quod in templo S. Nicolai cœptum, mox
in æde S. Johannis ac S. Lamberti continuatum fuit, ab-
rogatis misis, aliisque pravis ceremoniis.

In æde Johannea in festo Ascensionis Domini primum pure
cœpit doceri Evangelica veritas.

CVIII. Hinc Senatus civium precibus, ut liberum
sibi permetteretur Evangelicæ religionis exercitium, vi-
ctus, Hamburgo evocavit M. Stephanum Kempium : qui
a Senatu Hamburgensi ad tempus dimissus, Luneburgenses
doctores juvit, ac deinde ad suos rediit.

Provocabant cives ad Lubecensium ac Hamburgensium ex-
emplum, ubi jam instituta erat doctrinæ ac ceremoniarum refor-
matio. De Kempio sic canit noster Lossius :

*Kempius Hamburgo Stephanus post missus ab Vrbe ,
Hos vineam juvit Domini plantare fidelis,
Post rediit patriam non multo tempore ad Urbem.*

CIX. In Senatu sanctum hoc institutum masculine pro-
movit Hieronymus Witzendorpius, Johannis filius, Vir
ipetate, doctrina ac sapientia longe præstantissimus, ac
vel eo nomine de patria infinitis modis meritus.

Quem propterea etiam celebrat David Chytræus *Saxonia*
lib. XIII. Johannes Frederus Pomeranus eidem inscripsit *Urba-*
ni

ni Doctrinam & Consolationem contra Desperationem propter peccata, ex Germanico a se Latine versa. In illa inscriptione & hæc legas: Celebrari ad omnem posteritatem dignissimus es. tum ob excellentem pietatem, egregiam sapientiam, aliasque maximas virtutes tuas. Cum ob multos labores non tantum pro Rep. sed Ecclesia etiam & Schola susceptos. Quam re mirificum Scholæ patronum, quam fidum ac diligentem Ecclesiæ nutricium præstiteris semper, non ab uno intellexi. Et vel hoc uno nomine dignus es immortalis laude. Ob hæc ac reliquas tuas virtutes maximas, dignus es, cujus memoria in Ecclesia perpetuo extet. Vitam cum morte commutavit anno CIOIO LVI. relictis filiis se ac gente Witzendorpiana dignis.

CX. Neque tamen tanta res difficultate caruit, tum multuantibus inprimis ad S. Mariam monachis, & Senatui populoque reclamantibus: ut adeo cum quiescere non possent, ex urbe dimitterentur.

Sed lecti sunt ex civibus primariis, qui cum delegatis Senatus Iohanne Brandes & Hartwico Schomanero monasterium ingressi, bona ejus & clindia consignarunt, ac porro ædem sacram observarunt. Hinc itum est ad monasterium Vallis S. Mariæ (Hilligen Dal) cujus sodales utpote alieno ære pressi, omnia bona sua Senatui sponte resignarunt, accepta pensione annua, & habitatione libera. Interea Gvardianus monasterii ad S. Mariam obstinabat animum, nulloque modo concedere volebat Senatui Evangelii prædicationem in ædem illam introducturo. Cum igitur parum abesset a seditione, ac cives impetuosius flagitarent refractariorum exilium, curribus monachi sunt impositi, & extra urbem deducti, manentibus civium filiis ac ægrotis: quos Gvardianus itinere volebat comites.

CXI. Cum Abbate Bolduino Marenholzio & Canonicis ad S. Michaelen actum placide: sed cum refragarentur, ædes sacra die S. Oswaldi clausa, at mox reclusa fuit: civibus tamen interdictum, ne pompæ missaticæ interessent. Nec multo post (annus erat CIOIOXXXI.)
Abbas

Abbas obiit, ac successorem accepit Herbordum ab Holle, Priorem monasterii.

Marentholtii Abbatis epitaphium habetur in Losii *Luneburga*.

CXII. Anno *CIOIOXXXII*. Ernestus Dux Senatui Luneburgensi ad certum tempus permisit insignem Theologum, Vrbanum Regium, qui abrogationem totius Papismi tum in curia, tum in aede S. Iohannis cum Pontificiis disputaturus, urisit, ac obtinuit, & Antagonistas scriptis confutavit.

Meretur & historia horum temporum, & Regii memoria, qui de his rebus explicatius agamus. Anno *CIOIOXXX*. Ernestus Dux ex Augustanis comitiis redux D. Vrbanum Regium secum adduxerat, Virum impenſe doctum, raraque probitate conspicuum: quem tanti fecit Dux laudatus, ut cum in Nobilium consensu interrogaretur, numquid novae rei pretiosae mercis, reliquorum Principum exemplo ex comitiis apportasset? allatum a se thesaurum responderit, toti Ducatui incomparabilem: Virum utpote magnae doctrinae atque integritatis, quem omnibus omnium Principum anteponeret delitiis. Cumque Augusta urbs, missa legatione, Vrbanum repeteret, Ernestus respondisse fertur: pari se amore & oculos, & Vrbanum aestimare, & utrius absentiam sit moderatius laturus, parum prospicere. Hunc igitur virum Ernestus Dux Ecclesiis totius Ducatus praefecit: qui & eo munere perfunctus egregie, corruptelas prorsus exstirpavit atque sustulit. Neque tamen Senatui Luneburgensi, Urbani praesentiam per legatos *probatissimos* & *Evangelii studio fervidos* (quae ipsa sunt Urbani verba, in Epistola ad Ministros Ecclesiam Luneburgensem moderantes, quae se brevi venturum pollicetur) humillimae efflagitanti eundem negavit. Hinc anno *CIOIOXXXII*. Luneburgum veniens, ac Henrici Witzendorpii, Hieronymi fratris hospitio fere usus (non semper, ut puto: nam ex *palatio Principis* scripserat aliquot epistolas, ac testatur porro, Ducem Ernestum & *sumtus* & *domum* sibi obtulisse) sacra in ordinem coepit redigere. Verum

E,

quod

quod adhuc in quibusdam templis, Michaelitano praesertim, celebrarentur missae, ac plurimi civium plenam sacrorum Pontificiorum abrogationem paulo insolentius urgerent, non multum aberat, quin res in tumultum erumperet. Congregabantur autem cives in aede S. Mariae, eoque ad se vocato Regio, cum eodem agebant, ne quis amplius Missae interesset, neve quis ex Pontificiis invehetur in doctrinas Evangelicas, earumque praecones: qui secus faceret, a Senatu pelleretur urbe. Quia autem Regius nomine civium, qui fratres se vocabant, ad Senatum verba facere paratus erat, id animum addidit civibus. Senatus quidem in alium diem hanc differri volebat, quod aliqui abessent Senatorum: sed civibus instantibus, auditus est Regius, qui citationem omnium Pontificiorum, eorumque, ni parerent, dimissionem urfit. Senatus id paulo acerbius visum, ac idcirco mitiora proponere. Dum tempus extrahitur in consilio Senatus, Urbanus Regius domum concedit, ad sumendum prandium, civibus in curia manentibus, & nunc absente viro, cuius nota est moderatio, tumultuosius agentibus. Res in sequentem diem dilata, ac quando iterum ferocirent cives, Senatus eos pro virili demulsit, ac interea cum Regio privatim hac de re communicavit. Quamobrem omisso illo de pellendis urbe Pontificiis consilio, res ad disputationem Urbani cum adversariis devenit. Nimirum pegmate in aede S. Iohannis antefurnum altare erecto, altera feriarum Matthaei diem sequente, Urbanus cum aliquot collegis verbi divini ministris in eo confedit: datique a Senatu assessores, Stephanus Gericke Syndicus, Crabus Medicinæ Doctor, Ludolphus Stöteroggius, Hieronymus Witzendorpius, Ludolphus Semmelbeccerus, & Iohannes Hackerus Senatores, itemque M. Georgius Tilitzius Protonotarius. Sed ex Pontificiis pauci comparuere, pauciores ausi sunt cum Urbano congregari. M. Henricus Lampius quidem aliquas in medium attulit quaestiones: sed illas facile solvit Regius, qui per bonam diei partem pro veritate Evangelica graviter discessit. Post aliquod temporis intervallum Augustinus Götelen-Sacerdos Pontificius (ita habet Hermannus Hamelmannus in historia Reformationis Luneburgicæ) iussus est discedere Lunebur-

151
30.
neburgo, nisi recipere vellet doctrinam Evangelii. Is abiens
vehementer accusavit Regium, tanquam exilii sui auctorem.
Cum vero Augustinus ille ad quosdam dixisset, se disputare pos-
se cum Urbano, hic amice eum evocavit, saluum conductum &
sumtus tum ab Ernesto Duce, tum a Senatu promittens. At is
amicam collationem recusans, ad Caesarem provocavit. Tan-
dem libellum pro quodam Pontificiae religionis articulo con-
scriptum cum epistola ad Urbanum misit per Praepositum Co-
lerum. Huic confestim respondit Regius longiori epistola Lu-
neburgi xi. Iunii perscripta, quae habetur parte III. Operum.
Sed quia in ipsa hac epistola scribit Urbanus, Gotelium ante
quam ipse Luneburgum veniret, Evangelium predicasse, & in
verbo Domini servisse (usurpo phrasin Regii) aut fallitur Hamel-
mannus, aut ad vomitum is reversus est. Id certum, quando
hac ad eum scriberet Urbanus, hominem fuisse Pontificium:
nec fratris tamen nomine pro urbanitate sua indignum censuit
Regius: qui tandem epistolam sic claudit: *In fine addis: Veri-
tas relegari potest, vinci non potest. Quæso frater, si hæc meæ
doctrinæ, quam prædico, nunc impingis, quasi tui exilii causa sit,
eoque eam iudicas falsam, & te per omnia veritatem habere, nos
errores, non detrecta mecum congressum & collationem æquissimis
conditionibus oblatam. Ubique videris vel alienam culpam mihi
occinere, vel tacite meam doctrinam perstringere. Age, experire
hoc cominus, præsto sum. Et ad Gerhardum Herberdingium,
ministrum Christi in Evangelio Luneburgi in Ecclesia D. Nico-
lai, ita scribit: Literas Augustini Gorelen missi, legi. Lunebur-
gum venire recusat, quod parum tutus sit eo loci, ob quorundam
iras. Ad Caesarem provocat. mihi vero illa excusatio non placet.
Promiseram securitatem & sumptus. Et ubi magis conveniebat
amica collatione tractare pietatis negotium, quam in ea urbe, ubi
docuimus ambo? Quare me ad Caesarem mittat, forte non est ob-
scurum. Quis enim in aula Caesaris est, qui non cupiat me extin-
ctum? Ego nihil tale optabam Augustino, sed obrenta & a Sena-
tu & populo plena securitate, volebam cum homine de contro-
versis nostræ religionis dogmatibus citra iram & turbationem
ullam animi, tantum veritatis manifesta studio colloqui. Scripsit
etiam*

etiam Regius postea contra *Vespertilionem quendam*, uti vocat, conantem unam speciem Eucharistiae tueri, xxxiii. propositionibus Luneburgi in templo D. Johannis clanculum affixis. Regii scriptum itidem exstat *parte III. Operum Latinorum*. Fama fuit, Gotelium quoque libelli clancularii auctorem haberi: quod Regio non sit verosimile. Ex præfatione ad Ministros Ecclesie Luneburgensis scripta apparet, anno c13 13 xxxiv. non parum, multos Papistas Luneburgi delituisse. Præterea cum ipso Præposito Luneburgensi Johanne Colero de missa Papistica per epistolas decertavit: quæ una cum aliis titulo *Mortis & sepulture missæ Papisticæ*, in operibus Urbani comparent. Colerum Urbanus vocat, *virum eximium, hominem doctum, & Archidiaconum*, penes quem hactenus rerum Ecclesiasticarum potestas fuerit Luneburgi. Etre vera doctus & modestus vir fuit. Ex epistola ejus afferam nonnulla, lectori (ceu spero) non ingrata. Hactenus annis triginta plus minus in hujus Luneburgensis rei negotio terramariqve exercitus, atque adeo, valetudine parum prospera accedente, corporis & animæ viribus ferme destitutus, æquo animo feret tue Dominationis candor, si mea imbecillitas mihi probe conscius, hujus fabule spectator potius, quam actor me cobibere. Et quid demum columba in iis rebus difficillimis unctione sua doctura persuasuraque sit, avide expectare malim. Certus veram & unicam in Deum fidem, & quæ eo pertinent, haudquaquam humanis viribus, sed Dei favore gratuito contingere. Quæ verbo quidem externo proponi, intus vero efficaciter & salubriter absque spiritus unctione accipi nequaquam possit: hinc sciens volensque non refragabor, & pariter omnem salutis æternæ spem, mihi (uti spero libro vitæ ascripto) per Christum & ejus favorem passionisque meritum, integram, certamque & solidam fore, sedulo confidam. Eundem quoque (quæ est in humanam miseriam bonitatem) oviculum suo sanguine pretiosissimo redemptam, si quando pertinaciter non aberrat, demum non deserturum, sed in suam caulam benignissime reducturum. - - Ex casula nostra xxvii. Maji Anno c13 13 xxxi. An cesserit ædibus Præposituræ Colerus, nondum habeo affirmare. Anno c13 13 xxxiii.

1. die Octobris, ac iterum anno c10 10 xxxiii. vii. die Januarii ex
 Prapositura Divi Johannis scripsit Regius: sed eodem anno fe-
 ria vi. post Fabiani, *Praposituram* vocat, non suam. Vale, scri-
 bit ad Fridericum Henninges, ex *Prapositura non mea*. Obiit
 Colerus anno c10 10 xxxvi. ac Senatui legavit insignem scyphum
 argenteum inauratum, variis numis distinctum, addita hac epi-
 grapha: *Bev der Münze soll man lehren / wie sich die Welt*
thut verkehren. Imago ejus spectabilis est in aede B. Virginis,
 cum eleganti carmine, quod in Luneburga sua repetit Loffius.
 In operibus Regii Germanicis Tomo III. habetur *Consilium* Se-
 natui Luneburgensi inscriptum: *Quos in usus bona Ecclesiasti-*
ca sint convertenda: Et an Abbas ac Canonici ad S. Michaelem, sive
Christianam Reformationem sint admissuri, bonis ut cedant ne-
cessum sit: id quod negat Vrbanus.

CXIII. Sic igitur per divinam gratiam, ac sedulam
 Vrbani opem, Ecclesia Luneburgensis tranquillitatem
 exoptatam obtinuit. Ac meretur utique tantus vir prin-
 cipem inter Superintendentes Luneburgenses locum:
 quem postea, ad praesens usque ævum, viri pietate, do-
 ctrina ac prudentia conspicui ornavunt.

Certe pro primo Superintendente Vrbanum nostrum ha-
 bet Loffius, his versibus:

Rhogius Vrbanus docta pietate celebris

Hac Superintendens primus fuit urbe verendus.

Fuerunt autem Superintendentes Luneburgenses hi: M. Paulus
 Rhodius, Christophorus Hegendorfinus, M. Fridericus Hennin-
 ges, M. Johannes Eichenbergius, M. Caspar Gödemannus, Pe-
 trus Ebelingius, Sigismundus Scherertzius, D. Petrus Rehebin-
 derus, Caspar Hermannus Saadhagen: de quorum meritis, ut &
 de nonnullorum scriptis, alibi erit disserendi locus. Vrbanus Re-
 gius anno c10 10 xli. vita functus est. Egregia ex ejus scriptis docu-
 menta collegit Theologus summus, Elias Vejelius, Ulmæ decus.

CXIV. Regio adhuc dum Luneburgi agente, in or-
 dinem redacta fuit Schola ad S. Johannem Senatoria, cu-
 jus primus a tempore Reformationis Rector fuit M. Her-

F

man-

mannus Tulichius Steinheimensis; Prorector ex Papatu superstes Henninges Blocius.

Tulichium secuti sunt M. Johannes Bathelius, M. Albertus Leniceras, M. Henricus Betulejus, M. Georgius Bachmannus, Paulus Blocius, M. Andreas Reiherus, M. Caspar Sagittarius, dulcissimus Pater meus, M. Nicolaus Zimmermannus, Johannes Georgius Kettenbeil, M. Johannes Reiskius, M. Christophorus Henricus Eauterbach. Inter Prorectores celebre quondam nomen habuit Lucas Lossius, atavus meus maternus.

1533 CXV. Anno MDXXXIII. Luncburgum sex numeravit Consules, Hartwicum Stoteroggium, Ludolphum Dassehium, Leonhardum Tobingium, Hartwicum Schomakerum, Hieronymum Witzendorpium, & Henricum Garlopium.

Nempe posteriores duo prioribus senio confectis adjutores dati sunt.

CXVI. Gravis hoc tempore controversia inter Ernestum Ducem, ac Senatum Luncburgensem de jure patronatus monasterii ad S. Michalem agitabatur: quam Henricus Dux Meklenburgensis modis omnibus studuit componere. Et vero sic tandem est transacta, ut Abbas & Collegæ monasterii Evangelium amplexi scholam in cœnobio conderent, ac vicissim bonis suis & redditibus pristinis fruerentur.

Adi Chytræum *Saxonia lib. XIII.* quem describit Dresserus in *de Germaniæ Urbibus.* Meibomius in Appendice Historiæ Bardewici: *Reformatum est collegium ab Antistite ejus loci Herbordo ab Holle, Johannis F. equitis Saxonico, sinceram Evangelii doctrinam amplexo, qui pastorem recte docentem & scholam ad S. Michaelem instituit, libros rituales ad normam verbi divini emendavit anno M.D. XXXIV.*

1534 CXVII. Anno MDXXXIV. magnum illud & rotundum propugnaculum portui Elmenoviae vicinum extrui coepit.

43.

coepit, elapso biennio absolutum: ac tunc grandis ista
turris, forte fortuna pyrii pulveris vi funditus disiecta
magnam urbi cladem attulit.

Istud infortunii natum ex pulvere pyrio ad solem siccato,
qui ignem concepit. Tormenta in turri disposita in sublime fe-
rebantur, ac cum ingenti impetu procidebant. Horum ali-
qua periere.

CXII. Pestilens qui grassabatur morbus anno MD 1540
XL. Superintendentem, quinque Senatores, & Rectorem
Scholæ Johannitanæ sustulit.

Christophorum scilicet Hegendorfinum, Ludolphum Stö-
terogium, Brandanum Zarstedium, Johannem Brandes, Henri-
cum Wittigium, Henricum Grönhagium, & Hermannum
Tulichium.

CXIX. Fervente anno MD XLII. Johannis Friderici 1542
Saxoniae Electoris & Philippi Hassiae Landgravii adver-
sus Henricum Ducem Brunswicensis bello, Luneburgen-
ses militem scripsere, acceptis quoque Lubeca & Ham-
burgo auxiliis.

CXX. Anno MD XLIII. Sibylla, Francisci Saxoniae 1543
Ducis conjux in Ducali domo enixa est filiulam, quam
Fridericus Henninges Superintendens in templo S. Johan-
nis baptizavit.

Patienti adfuit mater Catharina, Henrici Saxoniae Ducis
vidua, quæ gravidam filiam Luneburgum evocavit. Inter su-
scptores nomine Senatus fuere, Hartwicus Schomakerus &
Hartwicus Garlopius Coss.

CXXI. Anno MD XLVII. Senatus Luneburgensis ad 1547
Carolus V. Caesarem, Electoris Saxonis victorem Hallis
agentem legatum misit Nicolaum Stöteroggium.

CXXII. Anno MD LII. domus misericordiae in Gral 1552
dicta, magnam partem subleat ac corruit.

Domum illam olim condere coepit Conradus Langius,

F 2

per-

44.

perfecit Henricus Grönhagius. An a puerorum incondito clamore nomen habeat (id quod opinatur Loflius) aliis difpiciendum relinquo. Mihi nondum liquet.

1553 CXXIII. Anno CIO IO LIII. novum organum musicum in aede S. Johannis per Batavum artificem fuit constructum.

Primus organædus fuit Michael Neddorftedius , alter Jodocus Funcius. Hodie hanc spartam magna sui cum gloria ornat Christianus Flor, quem honoris causa nomino.

1554 CXXIV. Anno CIO IO LV. Herbordo Abbati S. Michaelis demortuo successit patrueus Eberhardus ab Holle, qui postea Verdenfis & Lubecensis Episcopus fuit factus, Atque hoc demum anno monasterium S. Mariæ a triga, quæ supererat monachorum Senatui fuit redditum , qui templum, sacris Evangelicis, cœnaculum superius, Bibliotheca publica , inferiora potissimum viduis ministrorum Ecclesiæ dedicavit.

Monachi duo cum possent in urbe habitare, tertii (is erat Johannes Nienburgius) instinctu Halberstadtium concessere : quorum Senatus pactam illis pecuniam quotannis transmissit. Bibliotheca ista non vulgaris est , certe egregiis Mss. abundat, quorum catalogus ut cum erudito orbe communicaretur, dignus esset. Multum olim in hac Bibliotheca ordinanda defudavit B. Parens meus.

1562 CXXV. Anno CIO IO LXII. inter Henricum & Wilhelmum fratres Duces Brunswico-Luneburgenses , Ernesti filios, & Luneburgum pax & concordia fuit restituta.

Exstat Luca Loffii Poema, quod inscribitur: *Narratio de solenni Pacificationis inter Illustriss. Principes D. Henricum & D. Guilielmum Duces Luneburgenses, & inclutam civitatem Luneburgam isita, confirmatione, facta anno CIO IO LXII. XIX. Augusti.*

1569 CXXVI. Anno CIO IO LXIX. mense Julio novus repertus est modus aquam saluginosam ex puteo hauriendi.

Ipsa annalium verba repeto : Den XI. Julii ist die neue Zucke quiff

45.
auff die Tulse gesetzt / damit nun die Tule aus dem grossen
Eode gezeichnet wird / die man zuvor mit einem grossen Eimer
herauf zu ziehen pfleg.

CXXVII. Anno MDLXXVIII. cum ob pestem hic gras- 1578
santem Academia Salsfeldium transferretur, sex cives Stu-
diosi Luneburgenses eo quoque concessere, Casparis Boneri
convictu usi. Ex his ibidem diem obiit, ac in ade oppida-
na sepultus est Ludolphus a Dassel, Ludolphi Cos. Lune-
burgensis filius.

Hac de re brevi plura dicemus in *Historia Salsfeldensi*: quæ
nuper ex magno variorum Mss. thesauro non contemnendam
accepit accessionem.

CXXIX. Anno MDLXXIX. Formulæ Concordiæ 1579
subscripterunt Ecclesiæ Scholarumque ministri.

Horum nomina repeto: M. Caspar Goedeman Sup. Nico-
laus Fabri Senior, M. Fridericus Dedekindus, Hermannus
Wasmann, M. Hieronymus Henningses, M. Hieronymus Her-
berdingk, Johannes Boltzemius, Johannes Danckwerts, M. Ge-
orgius Starcke, Jodocus Matthias, Paulus Calenius, Hierony-
mus Rhudenus, Stephanus Schusen, M. Albertus Lenicerus,
Lucas Lossius Senior, Christophorus Pratorius, Caspar Cule-
mannus, Petrus Gerstenkorn, Daniel Itznich, Johannes Ottho,
Christianus Pratorius.

CXXX. Anno MDLXXXVI. mensē Iulio Luneburgi 1586
convenere Fridericus II. Daniæ Rex, Christianus I. Saxo-
niæ, Johannes Georgius Brandenburgicus Electores,
Joachimus Fridericus Archiepiscopus Magdeburgensis
Administrator, Philippus Dux Brunswico-Luneburgen-
sis, Johannes Dux Holfatiæ, aliique Principes. In hoc
conventu Regis Navarræ legatus auxilia petiit contra Re-
gem Galliar, & confederatos Pontificios.

Adi Chytraum *Saxonia lib. XXVII.* ex quo quædam mutua-
tur Dresserus.

CXXX. Eberhardo Abbati Michaelitano die v. Julii
demortuo successor dabatur Conradus a Bothmar.

1587 CXXXI. Anno cio 10 lxxxvii. turri S. Nicolai novum
ac elegans fastigium fuit impositum.

1590 CXXXII. Anno cio 10 xc. ebrii coctores in Sulcia Lu-
neburgensi gravem excitabant tumultum: qui tamen ex-
hausta, in quo occupabantur, cerevisia, refedit.

1593 CXXXIII. Anno cio 10 xciii. permittente Senatu no-
bile institutum fuit exercitium, civibus ex tormentis co-
lubrinis ad certum scopum globos emittentibus: id quod
factum per duas hebdomadas. Præcipuum præmium na-
ctus est Conradus Meierus.

1595 CXXXIV. Anno cio 10 xciv. inter viduam Wilhelmi
Ducis Dorotheam Danicam, & Senatum Luneburgensem
difficilis orta contentio de venandi jure.

1598 CXXXV. Anno cio 10 xcvi. die xvi. Septembris obiit
Joachimus Wahlius, J. V. D. Cæs. Maj. Consiliarius, &
Syndicus Luneburgensis.

Vide Hardewigi Dasselii Ic. *Carminum lib. III. pag. 83.*

1605 CXXXVI. Annis cio 10 cv. & vi. Brunswicensibus ab

1606 Henrico Julio obsessis suppetias tulere Luneburgenses.

Vide Actorum Brunswicensium *Tomum III.*

1608 CXXXVII. Anno cio 10 cviii. murus superior calcife-
1609 rum montem cingens dissiiliit: annoque proximo moenia
pone Sulciam concidere.

1611 CXXXVIII. Anno cio 10 cxi. ædes S. Mariæ, quæ diu
jacuit deserta, reparari cœpit.

Aliquoties ista fecit vitium ob falsuginosæ aquæ ductus
subtus meantes: id quod ante paucos annos iterum contigit.
Ante Reformationis tempora longe fuit spatiosior, ac pars illa,
ubi conspiciēbatur turricula, gremium fere occupavit.

CXXXIX.

47.
CXXXIX. Anno MDCCXVII. XVII. Augusti Conradus 1617
a Bothmar, Abbas ad S. Michaellem obiit.

CXL. Quæ non ita pridem inter Senatum ac popu-
lum, potissimum de tributis nata controversia anno MDCCXIX.
CXIX. Cellis feliciter fuit composita.

CXLI. Anno MDCCXIV. Ferdinandus II. Imp. privi- 1624
legia Luneburgensium confirmavit. Eodem anno Sulcia
detrimentum cepit ex undis piscinæ proximæ (der Rarus-
schen Dick vocatur) saliginosis aquæductibus se insinu-
antibus. At detecto fonte, malo iterum fuit obviam.

CXLII. Anno MDCCXXVI. Svecis ex improvise urbem 1636
aggredientibus tandem fuit dedita. Præsidariis præerat
Stammerus, a quo nomen habet pons pone molendina,
Senatoria. Sed anno sequente Georgius Dux, occupata
urbe, Stammerum compulit montem calciferum dedere:
id quod hic capite apud Svecos luit.

CXLIII. Anno MDCCXXXIX. externa regiminis Lune- 1639
burgensis forma non parum fuit immutata, ac inter alia
a Ducibus definitum, ut pari numero Patricii ac cives re-
liqui in Senatum cooptarentur.

Consules tum erant Ludolphus a Lafferdes (eodem anno
mortuus) Franciscus Witzendorpius, Ludolphus Ditmars,
Thomas Tobingius: Syndicus, Tobias Heinking: Senatores,
Christophorus & Johannes Tobingii, Statius Fridericus Wizen-
dorpheus, Georgius Gretze, Nicolaus Düsterhopius, Joachimus
Böttcherus, Johannes Elverus, Georgius Stöteroggus, Chri-
stianus Büschius, Joachimus Reuterus, Franciscus Schnitkerus,
Johannes Oudorpheus.

CXLIV. Anno MDCCXLI. Sigismundo Schierertzio 1641
Superintendenti successit D. Petrus Rehebinderus Lube-
censis.

CXLV. Anno MDCCXLVIII. novus pons ad portam ve- 1648
terem (Oldebrügger Thor) constructus.

Id.

Id quod indicat sequens elegia ipsi ponti inscripta:

Si quæris, quo pons hic sit constructus in anno;

Quo data sum sacro, Pax ait, Imperio.

1650 CXLVI. Anno L. Christiano Ludovico Duci homagi-
1651 um præstiterè Senatus populusque Luneburgensis. Anno
sequenti mœnia urbem a monte califero distinguentia,
cum turribus Springintgudiana aliisque fuere diruta, ac
dictus mons firmius muniri cœpit. Quæ tum agitabantur
controversiæ mense Octobri sunt compositiæ.

1654 CXLVII. Anno c15 1564 apex turris Michaelitanae
anno XLVIII. turbine venti decussus, Nonis Maji restitutus est.

Inscriptionem elegantem globo supremo inclusam alibi afferemus.

CXLVIII. Eodem anno obiit ultimus Abbas Luneburgensis Christophorus a Barleben. Designatus successor Statius Fridericus Post, a Christiano Ludovico Duce nova dignitate alia ornatus; loco monasterii schola equestris, quæ paulo post in illustre Gymnasium conversa, instituta est. Postius anno c15 1561. obiit. Ei succcessit Dominus Ludolphus Otto ab Estorp, splendidum decus Nobilitatis Luneburgicæ.

Primi hujus Gymnasii Professores fuere Ioachimus Hecht, SS. Theol. Lic. Pastor ad S. Mich. Daniel Clafenius D. Iur. P. & Philos. Pract. P. Hermannus Nottelmann, P. Log. & Nobil. Alumn. Insp. Iohannes Buno, Histor. & Geogr. P. Rector scholæ ad S. Mich. Iohannes Iustus Oldecop. Philol. P. & Minist. ad S. Mich. Adj. Martinus Dithmarus, Mathes. P. extraord. Christianus Grave, L. Gall. P. extraord.

1659 CXLIX. Anno c15 1569. mense Iulio, novus impostor
magis, quam Propheta Luneburgi virus suum disperfurus
civitate exesse iussus, disparuit. Exeunte anno Iudaus a
Patre meo baptizatus est.

Histo-

Historia hujus baptismi typis est exscripta.

CL. Anno c13 13c LXI. grave incendium in Sulcia ex- 1661
ortum domunculas quatuor consumsit, ac proximas non
parum afflixit,

CLI. Anno c13 13c LXIII. Christianus, Friderici III. Da- 1663
nia Regis primogenitus pernoctavit Luneburgi. Octobri
mense coepit grassari pestis: quæ tamen brevi desit.

CLII. Anno c13 13c LXV. motibus illis a morte Chri- 1665
stiani Ludovici Ducis obortis patria quoque mea fuit invo-
luta: sed facta per maximos arbitros pace, Patrem patriæ
accepimus GEORGIVM WILHELMVM, Ducem, tot illu-
stribus tropæis ac triumphis inclutum: quem Deus
O.M. fervet!

CLIII. Anno c13 13c LXVII. exeunte Majo, Princeps 1667
Hasso-Cassellana, ad Christianum sponsum in Daniam itu-
ra in tertium diem mansit Luneburgi. Mense Octobri
ERNESTI AVGVSTI conjux cum incluta prole, post et-
iam maritus, una cum Georgio Wilhelmo Duce, venerunt
Luneburgum, ac per aliquot menses ibidem commorati
sunt: quod & fecerunt a mense Novembri sequente
anno.

CLIV. Eodem anno c13 13c LXVII. placide obiit
optimus pater meus M. Caspar Sagittarius, ædis S. Iohan-
nis Pastor bene meritus, in laudatæ ædis sacrario se-
pultus.

Quis vitio mihi vertet, summarium vitæ paternæ hoc loco
afferre? Natus est anno 1597. Osterburgi in Marchia, patre
Thoma, cive Bernoviano, Scholæ primum Spandaviensis Pro-
rectore, post Stendaliensi Diacono, ac demum Pastore Oster-
burgensi, anno 1607. demortuo: matre Margareta Franckia,
Pastoris cœnobii & suburbii Arendseæ filia, quæ tertia Thomæ
Sagittarii uxor fuit. Anno 1606. a fratre Thoma, Viro clarissi-
mo, Professore Ienensi summe merito huc abductus, ac per
qua-

quadriennium publica Senatoria scholæ & domesticorum præceptorum disciplina excultus, anno 1610. Stendaliam ad materam Emerentiam Franckiam, sed mox ob pestem Stendalia grassantem Osterburgum ad vitricum remissus est. Anno 1612. in Soltwedelianam scholam concedens, brevi post Stendaliam revocabatur, peramanter exceptus a Iohanne Martini & Erasmo Franckio cognatis, sed & ob probitatem & industriam a Theodorico Ermlero Rectore, non incelebri Philosopho, æstimatus. Anno 1616. svasor ipsi erat frater Thomas, ut Luneburgum proficisceretur: *inventurus ibidem (ipsa verba epistolæ repeto) Rectorem Paulum Blocium, virum in Græcis & Poesi exercitissimum: quo ego olim Garlebie Conrectore usum sum; neque dum penituit. Illi literis te commendabo meis. Experieris hominem mihi & amicissimum, & qui mei causa nihil non officii & beneficii tibi prastiturus est.* Ac memini B. Parentem dolere aliquoties, quod hoc consilium non fuisset secutus. Mansit igitur Stendalia ad annum 1618. quo Ermleriano stipatus testimonio, Vratislaviam ad fratrem Thomam perrexit: qui Ratichianæ methodo infensus, ac ob id acerba quadam passus, Spartam Academicam cum Gymnastica, illustri tamen, commutaverat. Anno 1620. Pater Vratislaviæ per omnem vitam magnopere a se æstimatæ valedicens, mense Majo in Wirtebergensem se contulit Academicam, summe tum temporis florentem, D. Palthasari Meisnero a fratre commendatus. Parce ibidem primo ac duriter vixit: liberalitate tamen fraterna interdum recreatus, qui ad eum. Octobri mense sic scripsit: *Se pone istud balneum Diaboli, quod est caput melancholicum, & disce Deo considerare.* Ich bin auch wol in grösserm Elend gewesen. Et in aliis literis: *Seu getroffen / ich habe mich wol anders nach der Decke strecken müssen / welches man mir doch izo nicht ansiehet.* Anno 1621. fratrem illum celeberrimum amisit: non profecto (nam improba hæc est calumnia, nuper ab imprudente, nescio an & impudente scriptorculo recocta) morte violenta: sed placida, sed quieta: id quod & carmina funebria Georgii Baumanni typis expressa, & sepulcrum Vratislaviense, & tot alia documenta testantur. Eodem anno Parens meus Ienam revisit, ab Erasmo Schmidio, nobili

51.

bili Professore Wittebergenſi de meliori nota commendatus Henrico Hoffmanno, Mathematico noſtrati. Anno 1622. aliquot B. Fratris libros, nomine hæredum ejus, edidit, ac præſide Theophilo Ænetio, Phyſices Prof. ipſo Rectore Mühlphortio præſente, de *Metallis* diſputavit. Menſe Julio ſummis in Philoſophia honoribus a Decano Salomone Glasſio, Viro ſummo, ornatus, mox in habendis privatis diatribis diligenter, & cum applauſu elaboravit, *Philosophiam* etiam Meiſneri *ſobriam* publicis diſputationibus excutens. Anno 1623. fidei ejus credebatur juvenis Stendalienſis, domi nobilis, Erasmus Möringius: quem tamen per illorum temporum difficultatem magis interdum pecunia, ſed ſanctè demum reddita, juvit, quam quod pactam in tempore acceperit. Anno 1624. præſide D. Iohanne Gerhardo, Theologo incomparabili, contra Weigelianos diſputavit. Anno ſequenti poſt habitam de *phyſica panis Euchariftici veritate* diſputationem, Fac. Philoſophicæ Adjuncti elogio ornatus eſt: ac porro D. Iohannis Himmeli, hoſpitis ſui patrocinio uſus, de *peccato originali & actuali* contra Pontificios, annoque 1626. D. Iohannis Majoris præſidio nixus, de *Antichriſto* diſputavit. Poſtquam vero M. Iohanni Wedelio, Ieneniſi Archidiacono, eidemque Fac. Philoſoph. Adjuncto parentaverat, Numburgum ad Scholæ Proreſtoratum capeſſendum abiit. Parentatio illa Wedeliana, una cum programme Slevogtiano, typis eſt exſcripta, ac Senatui inclytæ Reip. Ratiſbonenſis, quæ diu Wedelium ſua aluit munificentia, inſcripta. Numburgi auſpicalem habuit orationem de *Gymnaſiorum & Scholarum Lutheranarum decrementis ac remediis*: quam anno 1628. ſcholæ Martinianæ Brunſwicensis faſces ſuſcepturus, quando Numburgenſibus valediceret, altera hujus argumenti excepit, ac utraq; Brunſwici fuit excuſa. Sed & tertiam ab eodem conſcriptam, nec editam tamen reperio. Martiniano illi ludo magna cum diſcentium utilitate, ſed & non modica ſui laude, præſuit Pater: ſicut ex ejus diſciplina, tanquam ex Trojano equo, prodirent quamplurimi juvenes ad ſummam poſtea doctrinam magnosque honores contendentes: in quibus & ipſe fuit Iohannes Chriſtſried Sagittarius, Thomæ fratris filius, illuſtre illud Eccleſiæ noſtræ

decus, ac ob venerabile senium verus Lutheranorum archipresbyter. Laudato anno 1628. Lipsiæ prodiit parentis *Prodromus disciplinarum liberalium generalis*. Anno 1630. poema doctum, ac elegans edidit de *Iona Ninevitis convergente*, una cum alio carmine sacram *Sodoma flagrantis* historiam complexo: quod jam anno 1622. primam lucem viderat. Hoc scriptum insignem facultatem poeticam auctoris arguens, adeo placuit Wolfgango Heidero, Oratori & Poetæ excellenti, ut in hos elegos eruperit:

TE FRATRI similem quondam CASPARE, futurum,

Arguit ingenii foetum hic ipse tui,

Quo premis Andini vestigia lubrica vatis,

Non licet hanc duram cuilibet ire viam.

Hoc opus est Genii, superas qui fertur ad arces,

Vi volucris celeri missa sagitta manu.

Perge, velut pergis. Labor omnia vincit, Surgens

Pauperies miseras officiosa scholas.

Anno 1632. cum Georgius Dux Brunswico-Luneburgensis, toga ac sago inclutus Heros, Parentem a sacris sibi esse vellet castrensibus, Senatus Brunswicensis gravibus argumentis a Principe petiit, qui scholæ suæ diutius permitteret virum, tam præclare de pube scholastica meritum. Eodem anno, 18. Septembris uxorem duxit Catharinam, virginem lectissimam, Ioachimmo Iordano, Catharinianæ ædis Pastore natam ex Anna Losfia: cujus pater fuit Hieronymus, avus Lucas Losfius, magnus ille Lutheri ac Philippi discipulus, tot doctissimorum scriptorum auctor: quæ anno sequenti, 9. Septembris primogenito Thoma, annoque 1635. 17. Augusti Christiano filiolo maritum beavit: hoc tamen anno 1637. 8. Ianuarii mortuo. Ad annum 1635. revertor, quo primum Pater Luneburgum vidit, occasione nuptiarum Iohannis Danckwerti affinis, civis primarii, Diterico & Regina Iordania geniti. Et quia in ipsis illis nuptiis, ac alias perhonorifice habebatur, adeo id affecit ipsum, ut amor Luneburgi Brunswicensem vicerit. Anno 1638. 6. Novembris nata est soror mea Elisabetha, anno 1662. Christophoro Grungenio, Pastori in ericis Luneburgicis Wridelano nupta, sed post primum puerperium cum mariti, nostræque familiæ non modico luctu sub-

sublata: renovavitque dolorem filiolarum eius post paucas hebdomadas prematurus obitus. Anno 1639. 24. Aprilis decessit forer Patris laudatus, Ioachimus Iordanus, delictum Senatus populi que Brunswicensis: quem sequenti epitaphio ornavit Illustris Conringius:

Eternitas prece, censor optimus

Morum, magister legis atque Evangelii.

IOACHIMVS Ille stirpe natus **IORDANVM**

Vita fideque gratiave Numinis

Eternitatem consequutus, heic cubat.

Anno 1640. Pater meus seorsim excudi fecit Ciceronis *Philippicam XII.* adiectis margini argumentis & schematicis Rhetoricis, calci vero sententiis insignibus. Anno 1641. Spartam Brunswicensem cum Luneburgensi commutans, Scholæ Senatoriæ ad S. Iohannem Rector factus est. Causas mutationis habuit varias: sed potissimam his versiculis expressit in victoria:

— *Fuit hæc divina voluntas*

Quæ mentem traxit, tales suggestit & ausus.

Exeunte Februario præmissam conjugem & filiolarum mox ipse cum filio sequebatur, octavo Martii urbem, 15. scholam ingressus: quam strenue rexit & feliciter: sic tamen ut interdum cum calumniis, nonnunquam cum immorigeris conflictaretur discipulis. Calumniarum gravissima fuit, Diabolum in cathedra scholica spectabilem factis precibus dispulsum: cum tamen nullus malus genius, sed fex tumultuantium puerorum minime scholarium dominico die e subfelliis fuerint eiectione. Fabulam omnem multis versibus complexus Pater in *Vita Cammanni* inferius laudanda. Gravior conflictus fuit cum triga nebulonum, qui Præceptorem inter Lunensem ac Bardewicensem portas in vallo spatiantem aggressi, extrema ei minabantur omnia: quorum tamen, si quos concepere, conatus fregit procul adventans Iudex & Scholarcha, Christianus Büschius. Et mirum, proxima nocte somniasse Patrem de tribus serpentibus ipsum in vallo adorientibus, quorum uni miles adventans caput gladio amputaverit. Quod cum conjugi enarrasset, ne illico ambulationi

tioni consuetæ se daret, maritum obtestata, repulsam tulit. Anno 1641. 19. Martii nata est dulcissima soror mea Regina: quæ adultior facta, pietate, probitate, pulchritudine, modestia, aliisque virtutibus mirifice excelluit, ac inprimis Patrem curis annisque confectum singulari & exquisito studio fovit: dignissima ob id annos vivere Nestorios. Sed paulo post Patris obitum Rutgero Mirovio Collegæ Scholæ Iohannæ nubens, anno 1671. cœlestem animam cœlo reddidit, relicto mihi incredibili ejus desiderio. Laudato jam aliquoties anno 1641. 4. Augusti obiit Franciscus Witzendorpius, Cos. Luneburg. summe meritis, Ioh. Kirchmanni quondam discipulus: cujus virtutes ac studia ligata oratione in Schola celebravit 13. Septemb. quæ Hamburgi edita. Ipse autem natus sum Luneburgi anno 1643. 23. Septembris, inter ultimam primamque meridiei horas: eodemque anno Pater Helmstadii excudi fecit *primam* Demosthenis *Olynthiacam*; quam proximis annis exceperunt ceteræ. Anno 1645. elegantem scripsit *Paranesis poeticam* ad trigam fratrum Dithmarorum domi nobilium, Hartwicum, Ludolphum & Iohannem Laurentium. Anno 1646. ex decreto Senatus Luneburgici conscripsit monita scholastica, non parum postea æstimata ac probata. Et hic sextus erat annus, quo Scholæ Iohannæ fuerat Rector: ac tum in ordinem Rev. Ministerii cooptatus, successor dabatur Ioachimo Pörtkenio, Ecclesiastæ ad S. Iohannis ædem, Viro docto ac eloquenti, sed nescio quibus de causis Patri meo infenso, ac aliquoties pro concione in eundem invehenti. Et is quidem museo aliisque conclavibus inscribi fecerat non pauca S. Scripturæ dicta in parentem detorta: quæ hic, eandem postea domum inhabitans, sæpius spectavit, relegit, & digitum divinum stupuit. Tantum tamen absuit a Patre, ut, quod multi volebant, dicam scriberet viro, ut etiam ægrotum sponte inviserit, mortuum eleganti carmine celebraverit. Anno 1647. 22. Februarii Anna Magdalena filia auctus 18. Julii eadem orbatus est. Hanc die 7. Novembris suo sequitur obitu svavissima mater mea Catharina, matrona ornatisima: quam tam impense dilexit Pater, ut vidualiam semper vitam, & quod mireris, per integros viginti annos

annos duxerit. Anno 1649. 29. Martii Brunswici vitam
 eum morre commutavit Iohannes Cammannus, Ic. & Reip. pa-
 tria per septem & triginta annos a consiliis, ac Syndicus pri-
 marius, vir multijuga in variis artibus ac disciplinis scientia, ac
 pro illo ævo in orientalibus literis admiranda, præditus: ut de
 prudentia tantis muneribus fere propria nihil dicam. Et hu-
 jus quidem viri non potui non meminisse singulari studio, quod
 Pater per omnem vitam liberaliorem Mæcenatem, Patronum
 constantiorem, amicum magis integrum non habuerit: sic etiam
 ut inter utrumque convenerit de scribenda ab superstitite alte-
 rius demortui vitæ historia: quod & Genitor meus paulo qui-
 dem lentius, sancte tamen explevit, in prolixo illo doctoque
 poemate *vitam & studia* Cammanni complexo, quod pro jussu
 paterno Thomas frater meus, sponse isto in sancto baptisma-
 te usus, in hac Salana excudi fecit. Inscriptum est Autori Cam-
 manno, Cos. ac Scholarchæ Brunswicensi: quem tamen brevi
 post de vita decessisse conjicio: certe nullam hætenus reperire
 mihi licuit indicinam, quo animo vitam Patruī ac Patroni ex-
 ceperit. Anno 1633. Christiano Ludovico Brunswico-Lune-
 burgensi Duci, *Euchologium metricum* dicavit Pater, ac pro eo
 munificentiam expertus est Ducalem. Anno 1655. Thomas fra-
 ter meus e Rostochiensis Academia redux, in hanc Salanam
 mittitur: qui tamen anno 1657. ipsis Augusti Calendis in ædi-
 bus Frischmuthianis obdormivit, in templo Academico sepultus.
 Interea ipse Pater, non diu post filii discessum, ex ardenti febri
 graviter decubuit: quo tempore D. Iohannes Christfried Sagit-
 tarius, missa Historiarum & Poesios in hac Academia profes-
 sione Orlamundantum agens Antistitem, somniavit, ægrotum
 patrum suam implorare opem, idque heic in ædibus cervi ru-
 fi insigne habentibus, quæ olim propriæ fuere Thomæ Sagitta-
 rii. Id quod uterque postea, & in eo miram cognatorum *συμ-
 πράξιν* miratus est. Anno 1661. Parens meus factus est Pastor
 primarii templi S. Iohannis, M. Iohannis Braschii, docti placi-
 dique viri successor: quam Spartam ad sanctam usque *ἀνάλυσιν*
 summa fide ac industria, zeloque egregio ornavit. Obiit de-
 mum placide admodum anno 1666. die 27. Aprilis, nullo infi-
 gni

gni morbo, sed senio confectus, idque in lectulo Reginae filiae, in quem a funere quodam redux, ac lassus, deferri voluit: mihi ac forori meae facultates exiguas, sed locupletissimam divinam benedictionem, quam indies experior majorem, reliquit. Vivit anima in coelis, nominis autem memoria tum in hac Salanarum Numburgi, & Brunswici, ac imprimis Luneburgi, floret: & forte donec erit patria, M. Casparis Sagittarii merita in ea annabunt atque perennabunt.

Epitaphium quod eidem Luneburgi positum, subjicio.

M. CASPAR. SAGITTARIUS

OSTERBURGO. MARCHIVS

VIR. PIVS. PROBVS. ERVDITVS. LABORVM. AC AERVMNARVM. PATIENS. NVMBVRGI. QVONDAM. PRORECTOR. TVM. BRVNSWICI. MARTINIANAE. DEINDE. LVNENBV RG I. SENATORIAE. SCHOLAE. RECTOR. POSTQVAM. DEINCEPS. TEMPLI. HVIVS. CATHEDRALIS. ECCLESIASTEN. XVI. ANNIS. ET. PASTOREM DEMVM. PER. QVINQVENNIVM. NON. DOCTRINA. TANTVM. SED. ET. VITAE. INNOCENTIA. EGERAT. DIE. XXVII. APRIL. ANNO AER. CHR. cId Idc LXVII. ANNO. AETATIS. LXX PLACIDE. IN. CHRISTO. OBDORMIVIT. CVM VIVVS. PINGI. NOLVERIT. PATER. DESIDERATISS. PIE. DEMORTVI. EFFIGIEM. HEIC DEDICARE. VOLVIT. FILIVS.

CASPAR. SAGITTARIUS.

1670

CLV. Anno cId Idc LXX. post exercitium jaculatorium de praecipuo victore nata est contentio, quae non nisi responsis juridicis potuit definiri.

1671

CLVI. Anno cId Idc LXXI. Wilhelmina Ernestina, Princeps Danica, Caroli Palatini junioris sponsa, Luneburgum mense Augusto veniens, tertio die abiit. Nono Decembris die obiit D. Petrus Rehebinderus Superintendens, summi Senatus honorifice sepultus.

CLVII.

CLVII. Anno cto 15c lxxv. nova munimenta ad rube-
am ac Lunensem portam, sed & ergastulum in area cœno-
biū S. Mariæ fuere condita. Et hujus quidem instituti præ-
cipuus promotor fuit Arnoldus Arnoldi (Arnd Arnds) Se-
nator, qui nuper admodum vivere desit. Anno
cto 15c lxxvii. Elmenovia vehementer intumescens pontes
aliquot sustulit.

CLIX. Anno cto 15c lxxxvii. duo Patricii Consules 1687
Hieronymus a Lasserdes & Georgius a Dassel obiere: qui-
bus hoc ipso anno cto 15c lxxxviii. successores dati sunt 1688
Brandanus Ludolphus Stöteroggius, & Christophorus To-
bingius.

CLIX. Et hi quidem Collegas habent Consules, Geor-
gium Büschium, & Iohannem Reinbeckium, lctos. Quos
excipiunt Syndici duo, Tobias Reimers, & Helfricus Dite-
rici, I. V. Licentiati: itemque Senatores: Christianus Pa-
pe, Joachimus a Ditzmers, Johannes Christianus Gö-
demann, Johannes a Cöllen, Hermannus Fridericus a
Witzendorf, Johannes Otto, Joachimus Meincke, Lu-
dolphus Töbing, Conradus Döring, Joachimus Zim-
mermann, Heinrichus Eberhardus Schnarmacher, J. V. Lic.
Johannes Döring.

CLX. Reverendo Ministerio cum Superintenden-
tis elogio hactenus præfuit Caspar Hermannus Sandhagen:
eius successor designatus est Johannes Wilhelmus Peter-
sen, SS. Th. D. Sequuntur: Georgius Meier, SS. Theol. D.
ad S. Lamberti, M. Heinrichus Brasche ad S. Nicolai, M. Jo-
hannes Buno ad S. Michaelis templa Pastores. Guntherus
Heilerus SS. Theol. D. ad S. Johannis ædem Pastor, nuper
in Pomeraniam discessit, Præpositi ac Generalis Superinten-
dentis Sparta ornatus Stargardiæ. Reliqui Ecclesiastæ hi
H sunt

sunt: Martinus Schepelius ad ædem S. Spiritus, Hieronymus Koltemann, & Christianus Rikemann ad S. Nicolai, Johannes Fridericus Koltemann, Hieronymi filius, ad S. Lamberti, M. Johannes Voigt, ad S. Michaelis, Johannes Gabriel Sandhagen, ad S. Johan. M. Nicolaus Eggers, ad S. Lamberti.

CLXI. Atque ut Deus O. M. Patriæ conscriptos Patres, Reverendum item Ministerium, nec minus etiam utriusque Scholæ doctores, bonos denique cives omnes, diutissime servet ac conserveat, ex animi sententia opto.

FINIS.



AD
PRÆSTANTISSIMUM RESPONDENTEM
HENRICVM GAVSE
LVNEBURGENSEM
CVM DE PATRIÆ MEMORABILIBVS HISTORICIS
DISPVTARET.

Pessima hæc fata sunt
studiorum ac artium optimarum:
Quanto quæque maiorem usum afferrent,
& ad ornamenta valerent insigniora;
tanto plerique eas & negligunt securius,
& fugiunt etiam longius.
ac si, quæ publicæ rei sunt honestamenta,
propria singulorum infamia essent.

Ea contra sua faciunt,
quæ cum a commodo luculentiori,
tum & laudis aliquo decore
aliena & procul posita sunt.

Ita errore solempni
in veterum historiis Gentium
habitant & commorantur;
qui patriæ in memoriis
rudissimi sunt hospites.

Inepri quidem peregrinatores,
qui obsoleta exempla apud Garamantas
scrutantur,

H 2

ante

ante quam requirant,
quid domi sit suæ repositum.
Saltem idcirco aliter fieri oporteret,
quod, quicquid a DEO colimus,
non recte colimus, si ante patriam colamus.

Tu adeo recto tramite decurris,
PRÆSTANTISSIME GAVSI,
qui neque a literis ceteris unquam abhorruisti,
& in primis patriæ amplecteris historiam,
ut magis in alteris proficeres.

Efficacius enim auctoritas movet
clarorum in exteris nominum,
si patriæ ante exempla virtutis
caritate honesti animos imbuerunt.

Tantum est,
si studiorum rectores ac Mæcenates
prudentes, candidi,
discendi cupidis contingant.
Vt Tibi, GAVSI EXIMIE,
longe excellentissimus Doctor
CASPAR SAGITTARIUS.

Cujus cum cetera in rem literariam merita
in seculi ornamentis insignia sunt,
tum in communis patriæ Germanorum
literis ac memoriis

prorsus is sine pari regnat,
Teutoniæ vera Βιβλιοθήκη, ἑμψυχος. Qui

61
Qui Saxonici elogium gerit Historici,
ac diu ante ab universa Germania
meruit appellationem.

Neque poterat,
ut Istantus propriam non ornaret patriam,
Cui quod debuit, diu jam dare coepit,
in Historia Barde-vici,
Originibus Sulcia Luneburgensis;
ac Luneburgi ipsius originibus.

Quin &
ut egregiis per se aeternum laudibus viveret,
quæ sibi nutrix fuisset benigna,
pleniores molitur ac exasciat
florantissimæ civitatis commentarios;
quorum quasi sponsores quosdam
legat ad Patres patriæ
Memorabilia Historiæ Luneburgensis.

Quæ scitissimum emblemata distinguit
vitæ historiola

CASPARIS SAGITTARII

parentis optimi,
viri & de bonis artibus & de ecclesia
longe meritissimi,
quæ & virtutis magnæ
& divinæ providentiæ
clarissima aliquot documenta monstrat.

H 3

U

Ut jam non paullo certius
clarissimi THOMAE SAGITTARII
patrui sui,
ac Academiae nostrae olim Professoris
de vita scribenda sperare possimus,
postquam beatissimo Patri iusta sunt soluta.

Tu vero perge,
PRÆSTANTISSIME GAUSI
studia sub fortunato moderamine urgere,
ut diu adhuc agis.

Patria
amore suo te jubet confidere:
quod qui consequuntur præmium
laboris ac industriae suae,
abunde sunt felices.

COMMENSALES SAGITTARIANI.

